


PN  
6267  
05 I 18  
1748









五歲五六歲附博物志曰五歲曰鳩車之戲

孳子年五歲而贊禹言列女傳

夷羿有窮之君也偃姓羿生五歲時父母與之入山處之木下以待麒麟還欲取之而群蟬俱鳴遂捐而去羿為田間人所養年二十而習弓矢括地象

東平王蒼對帝言為善最樂其言甚大副是腰腹今送列侯印十九枚諸王子年五歲已上能趨拜者皆令帶之後漢書手詔

東方朔生未幾而母死隣母收養之生五歲忽失經年乃歸鄰母問之朔曰兒至紫泥海紫水汚衣乃過虞淵瀦洗明發中還何言經年乎鄰傷朱穆字公叔南陽宛人暉之孫年五歲好學明五經張璠范曄後漢書穆五歲便有孝稱

汝郁字幼異陳國人年五歲母病不能飲食郁時抱持涕泣亦不飲食母憐之強為餐餽欺言已愈郁察母顏色不平輒復不食宗族其奇之因字曰異東觀漢書記



宋勝之年五歲失父母遂家於穀城聚中孝慕甚篤聚中人化之少長皆

有禮遊太原從郇越牧羊以琴書自娛孔光就太原辟之不至萬壽

張安世五歲能鼓琴讀書過目成誦後為成帝侍中其所鼓琴一曰梧桐

煠雨一曰白鵠古琴疏

賈逵年五歲明慧過人其姊韓瑤之婦亦以貞明見稱聞鄰中讀書每抱

逵隔籬聽之逵靜聽不言姊以為喜至年十歲乃暗誦六經姊曰吾未

教汝何得三墳五典讀之逵曰昔抱聽鄰家讀書王子年拾遺記

趙恂有孝性年五六歲將得甘美之物未嘗獨食必先以哺父父出輒待

還而後食過時不還則倚門啼以俟父至父死廬於墓側人稱其孝安

帝朝官侍中文苑類傳

李銓少聰慧有至行銓兄前母子後母甚不愛也而衣食皆使下銓銓鄰

年五歲覺已衣勝兄郎不着須兄得已同然後服之其母遂不得有偏

及長銓內曲順母外奉其兄故閨門雍睦為群族所稱陳留記

施覲字太玄鮑靜年五歲語父母曰本是曲陽李家兒九歲墮井



死父母尋訪之果然覩仕晉爲東海太守後見仙人陰君授道訣百餘歲卒

授神記

孔文舉二子大者六歲小者五歲晝日父眠小者床頭盜酒飲之大曰何

以不拜答曰偷那得行禮乎

世說

魏文帝與論自序云予時年五歲上以世方擾亂教予學射六歲而知射

又教予騎馬八歲而知騎射矣

文選

曹冲字倉舒五六歲有成人之志孫權曾致巨象操欲知其重羣下咸莫能出其理冲年方九歲曰置象大船之上而刻其水痕稱物而載之則可知矣操大悅

三國志

鍾會字士貴少敏慧夙成中護軍蔣濟著論謂觀其眸子足以知人會生

五歲見者奇之正始中爲秘書郎

山堂肆考

牟祐年五歲合乳母詣隣人東垣桑樹中取前身所弄金環

授神記

晉扶風武王駿字子臧幼聰慧年五六歲能書疏諷誦經籍見者奇之韜初晉武帝以才人謝玖賜太子生皇孫適宮中嘗夜失火帝登樓望之遍



年五歲帝裾入暗中曰暮夜倉卒宜脩非常不可令照見人王帝由是奇之世說作六七歲

衛玠字叔寶年五歲丰神秀異祖太保瓊曰此兒有異於衆顧吾年老不

及見其成長也總角乘羊車入市見者皆以爲玉人

晉書

釋曇諦母黃氏晝寢夢一僧呼黃爲母寄一麈尾並鐵鏤書鎮二枚覺見

兩物俱存因孕生諦諦五歲母以麈尾等示諦曰秦王所餉後隨父之

樊鄧見關中僧碧道人忽喚碧君諦父俱說本末並示書鎮等物碧乃

悟而泣曰卽先師弘覺法師也師經爲姚萇講法華貧道爲都講姚萇

餉師二物今遂在此追記弘覺捨命正是寄物之日後憶採茶之事彌

深悲仰

桑門片記

范喬五歲祖母以祖硯告喬喬使知執硯涕泣

晉志

王獻之年五六歲時學書右軍從後潛掣其筆不脫乃嘆曰此兒當有大

名遂書樂毅論與之

紹興府志

傅暢字世道年五歲父友見而戲之解暢衣取其金環與侍者暢不惜以



此賞之 晉書

謝玄字幼度五歲與兄朗俱為叔安所器安嘗戒子弟曰子弟何須人事而欲使其佳玄遽答之曰譬如芝蘭玉樹欲其生於庭除耳後符堅進

攻謝安舉玄督兵却之玄逼淝水而戰大破之

晉史

謝靈運幼便穎悟好學五歲博覽羣書

編年考

謝瞻字宣遠幼而聰敏五歲通玄理

幼童傳

庾子與字孝卿新野人幼而岐嶷五歲讀孝經手不釋卷或曰文句不多

何用自苦答曰孝者德之本何謂不多

南史

蕭絳五歲齊高祖使學鳳尾誥一學而上帝大悅以玉麒麟賜之

獬豸

劉嘯字子圭五歲聞舅孔昭先讀管寧傳欣然更請讀因聽曰可及此耳

吳筠齊春秋

滕縣恭髯五歲母病熱思得寒瓜土俗不產縣恭遍求乃遇桑門得一

瓜以進父母卒水食不通者旬日人號滕曾子

南史

鬱林王年五歲戲高帝前帝緝白髮問孫曰我誰耶答曰太翁高帝咲謂



左右曰豈有爲人作曾祖而拔白髮者乎卽擲鏡鑑

南史

北魏高宗詔潯帝少聰達太武常置左右號世嫡皇孫年五歲太武北巡帝從在後逢虜歸桎一奴將加罰帝謂曰奴今遭我汝宜釋之歸奉命解縛太武聞之曰此兒雖小欲以天子自處竟奇之

北史

蕭鈞字宣禮齊高帝第十一子也鈞年五歲所生區貴人病便加悴慄左右以五色餅飴之不肯食曰湏待姨差年七歲出繼衡陽元王見高帝未拜便涕泗橫流高帝執其手曰伯叔父猶父無怨令汝出繼汝有意堪奉烝嘗耳卽敕外如先給通輿車雉扇尾等事事依正

南史

北魏景穆皇帝托拔晃延和元年立爲太子年五歲明慧強識聞則不忘及長好讀經史皆通大義太武甚奇之

北史

袁粲字景倩陽夏人幼孤祖哀之名曰愍孫五歲好學有清才衣食不足母王氏躬事紡績以供朝夕粲擁敝衣讀書足不踰戶後廢帝卽位粲夢日墮其胷上以驚寤尋被徵管機密峻於儀範廢帝迫使走粲雅步如常顧而言曰風雨如晦雞鳴不已

編年考



袁昂字千里父顗敗時昂五歲乳媼携抱匿於廬山州郡於野求之追至匿所見一彪因去遂得免

史異

周太玄陶隱居弟子也年二十一而得道先於隱居證位其所居即今紫陽觀時見有人高冠袞衣亦有介金之士明月靜夜立於其中家有小兒名小豆纔五六歲游戲其上逡巡有人送至庭中如是者數四無有傷損一旦問陶君說此祥異晉朝許君舊宅遂作靜室為焚香之所不可褻瀆也

雲笈七籤

昭明蕭統五歲讀五經五行俱下

山堂肆考

梁孝元字世識初年五歲梁武問曰讀何書對曰能典禮梁武曰汝試言之孝元即誦上篇左右莫不驚

魚豢三國典畧

陰鏗字子堅幼聰慧五歲能誦詩賦日記千言及長博涉史傳尤工五言

類書

劉洸慨之從弟五歲時時父攜於屏風抄古詩洸請一二篇便能諷誦無所遺失梁天監初以高才碩學待召學士省帝宴華光殿命群臣賦詩



獨詔沆為二百字立成沆立奏其文甚美沆與從父兄慨洽皆相代為

侍中世皆榮之

萬姓統

到沆五歲郎過目成誦

徐州志

王僧瑞衛將軍肅八代孫五歲便機警嘗有餽其父冬李者先以一枚與僧瑞僧瑞不受曰大人未見不容先嘗又五歲問師孝經師曰論忠

孝二字曰僧瑞願習之

梁書

王儉字仲寶僧綽子就養於叔父僧虔五歲篤學手不釋卷賓客或相稱

美僧虔曰我不患此兒無名政恐名太盛耳

南史

到鏡字圓照慨子也五歲口授為詩婉有辭致位太子舍人鏡子蓋小時

聰慧嘗從高祖幸京口登北顧樓賦詩蓋受詔便就上覽以示其祖慨

曰蓋定是才子翻恐卿將來文章假手於蓋

山堂肆考

岑之敬字思禮南陽人五歲讀孝經每焚香獨坐親戚嘆異之

陳書

謝蘭字希如安八世孫父經魏北中郎諮議參軍五歲時父未食乳嫗欲

令先飯蘭終不進舅阮孝緒曰此兒在家則曾子之匹事君則蘭生之

匹因名曰蘭稍長授經過目成誦孝緒曰吾家陽元也

魏書賈纂



陸雲公字子龍完子五歲

州府志

北魏獻文帝弘雅好玄理

遺世之心乃傳位於太子弘甫

五歲受禪時悲泣不自勝

古語曰代親之感內切於心

編年考

宇文憲字毗賀突未逾齡已議論天下事後魏二年封培城縣開國公

時年五歲也虹蜺滿野是廢當途之高鸞鸞鳴岐實始維新之命

庾信

周土柱國齊王墓誌銘

邢邵字子才年五歲魏吏部郎清河崔亮見而奇之曰此子後當大成位

望通顯便能屬文雅有才思聰明強記日誦萬餘言族兄鸞有人倫鑒

謂子弟曰宗室中有此兒非嘗人也

北史

蘓頌字廷碩年五歲裴談過其父頌方誦枯樹賦避談字諱因易韻曰昔

年移柳依依漢陰今看搖落淒淒江潯樹猶如此人何以任皆嘆異之

世 山堂肆考載五歲便措意於文每坐臥即吟詩未嘗少輟

李白上裴長史書五歲誦六甲

本集

杜甫徐卿二子歌小兒五歲氣食牛

本集



令狐楚五歲能爲辭章

朱祁唐書

李德裕五歲號神童武元衡召問之吾子所讀何書德裕不對吉甫責之  
德裕曰武公身爲帝弼不問理國調陰陽而問所讀書書者成均禮部  
之職也是以不對

編年考

白居易與元九書及五六歲便學爲詩九歲暗識聲韻十五六始知有  
士苦節讀書二十已來晝課賦夜課書間又課詩不遑寢息矣以至  
舌成瘡手肘成胝

長慶集

僧知元五歲咏花詩花開滿樹紅花落萬枝空惟餘一朶在明日定隨風

全唐詩

力僧護江陵人父力昌死其母欲從俗薦父家貧不能悲哭不止僧護時  
年五歲謂其母曰何不將兒賣以易錢母乃嗚咽抱兒出市賣與蜀客  
得錢二貫薦之母卒以憶子日盲僧護隨客之蜀已三十年繼父母俱  
亡每念親母痛死者數後復還江陵尋母得見以母因己目盲中甚感  
傷遂齋戒叩禱天地以水漱口爲母舐其目目遂明人以爲孝感

隋姓統譜



徐珏江山人五歲能誦易禮二經召對稱旨賜衣絹中童子科

萬姓統譜

莫宣卿字仲節開建人五歲稱神童一日與羣兒戲口占云我本南山鳳

豈同凡鳥群人大奇之後登狀元以母老乞歸養賜其鄉曰衣錦

編年

林傑字智用五歲與父同遊王仙君壇父曰能詩乎傑曰羽客已登雲路

去丹砂草木盡凋殘不知千歲歸何日空使時人掃舊壇又謁唐中丞

作七夕詩云七夕今朝看碧霄牽牛織女渡河橋家家乞巧望穉月穿

盡紅絲幾萬條唐公曰真神童也

古今詩話

張鷟五歲夢大鳥五采降於家占曰文章瑞國

兄世說

李存勗五歲父克用慨然曰此奇兒也

類書纂要

文滄蜀人生五歲謂母有五色香囊在杏林中往取之乃前生爲兒時所

失者再生而記之

萬姓統譜

路振字子發湘潭人幼穎悟五歲誦孝經論語

長沙府志

賈黃中五歲時其父毗每日必令正立展書卷比之謂之等身書課其誦

讀

朱史



元絳字厚之生而敏悟五歲能詩撫州府志

王元之五歲已能詩因太守賞白蓮倅言元之能與語太守因召而吟一

絕云昨夜三更後嫦娥墮玉簪馮夷不敢受捧出碧波心又云佳人方

素面對鏡理新粧守曰天授也古今詩話

練亨甫字葆光句容人五歲七歲侍伯父一作出遊精舍亨甫以手搔頭

伯戲之曰猴悲摸捺頭亨甫應聲曰虎怒縱橫步又指道傍松曰喬松

天矯龍蛇勢甫曰怪石巉巖虎豹形萬姓統譜

洪湛上元人幼好學五歲能詩舉進士通判壽許州知容郴舒州真宗時

凡五使西北議邊要有文集十卷萬姓統譜

錢鰲字穆父五歲日誦千言朱書

范濟美建陽人生有異稟自孩提識慮已有過人者閩中地瘠而人貧多

計產育子浸而成風恬不為怪君時五歲聞之惻然適諸母有妊者乃

謂之曰他日所生勿問男女願勿棄之生子而不舉人理不可為也我

長立當鞠養之不須以貧妻為念其慈惠蓋天性也楊龜山范君墓碣



司馬溫公曰先五六歲弄胡桃女兒欲爲脫其皮不得女兒去一婢以湯脫之女兒後來問脫胡甕者光曰自脫也先公適見之呵曰小子何得謾語光自是不得敢謾語

山堂肆考

方仲永世隸畊仲永生五歲未嘗識書具忽啼求之父異焉借旁近與之卽書詩四句並自爲其名自是指物能詩立就其文理皆可觀者邑人奇之

王荊公集

汪應辰字聖錫初名洋幼癡重異常五歲讀書屬對驚人且識奇字喻樗戲曰韓愈十三而能文今子奚若應聲曰仲尼三千而論道惟公其然從此受知

宋史

孫覲字仲益五歲時卽爲東坡所器政和中第進士

鴻慶集

范純仁字堯夫文正公子五歲知讀書

國史本傳

王冢襄敏公韶之幼子五歲觀燈相失姦人負之去南陔家亟納珠帽於

懷中見數乘入東華攀呼得中貴送歸因見帝

編年考

詹會龍建炎間與同乳弟檜龍以神童召見時甫五歲外省獻菓上分賜



會龍曰一孟菓子賜五歲之神童對曰三尺草茅對萬年之明主姓氏

彭興祖五歲能詩劉轅五歲能騎射紹興中張俊以名聞召見內殿以興

祖為廸功郎轅為進武校尉皆賜袍笏姓氏譜

高宗一朝童子求試者三十六授官者五人萬頃彭興祖張宗柔朱虎臣

劉轅惟虎臣能排陣步射及讀書故補承信郎劉轅以小校子五歲善

騎射故補校尉虎臣又賜金帶朝野雜記

李觀字泰伯穎悟過人五歲能調聲律習字書椒邱集

夏宗禹年五歲門首見一僧牽其衣呼是奴子和尚涕泣不已眾問知情

僧將去堅竟相隨往寺似熟其路入房良久云奴子讀的經安某處何

在又云念珠雜戲具子在某處果然取得僧方悟云貧道前手下童子

年七歲而卒今涉五載矣其經是觀音經品試之而尚彷彿記爾于述

聞奇錄

戒閣黎三江饒氏子五歲自稱六和大師十五辭父母出家淳熙中郡守

汪平父聞僧能食猪頭三個酒五斗遂營酒食請師至一食盡空守妻



竊見僧出入騰空左右鬼神環擁凡酒食非僧食但擲諸左右鬼神接去守大駭一日拍手歌曰世人皆笑我我笑世間人如意摩尼見無人識本真入寺合掌而逝

臨海縣志

張繼先字嘉聞五歲不解言聞雞鳴忽失笑賦詩曰靈雞有五德冠距不離身五更張大口喚醒夢中人人異之崇寧初解池鹽水溢遣使者召見書鐵符投之怒霆磔蛟死於水裔

宋廉漢天師世家序

譚昭寶字珍卿茶陵人提舉用試子也五歲能誦五經知爲文字

萬姓統譜

周甫字次山幼穎悟五歲誦論語每舉一字輒引類言之

蘄州府志

譚中立茶陵人中童子科五歲時有鄰父呼其名戲之曰既然譚中立如何衣不濕即應聲曰今早向東行太陽當面炙後仕至吏部侍郎文章

治行爲世所推

長沙府志

柯大春字德華五歲入小學即憤俳求大義聞葉水心名往謁之

浙江通志

高必達建昌人五歲時父明大忽棄家遠遊莫知所之必達既長晝夜哀慕乃娶妻以養母歷徃四方求其父十餘年始得之黃州道院學道三



十年矣必達叩頭哀號乞歸父不得已乃還家孝養焉里人稱之

元史

移刺履五歲晚卧廡下見微雲往來天際忽謂乳母曰此所謂回看青天行白雲者耶族兄得壽聞之驚曰此子當以文學名世

竹香閣史抄

通和尚字圓照甫五歲不茹葷腥匪妄言咲常遊寺宇見聖像一一佺禮父母憐之俾依近泉寺雲懿為徒一日本師緣有所忤欲行撻責以手

舉杖移時不能下人咸異之

盤山志

黃清老子字肅五歲日記數千言元大定間進士為湖廣儒學提舉從遊者甚眾稱樵水先生

事文類聚

段天祐字吉甫幼穎異五歲知屬句弱冠已有成人之望鄧文肅公文源僉憲浙西欲辟為書吏見其咏梅百咏曰子館閣才也吾敢吏子耶登泰定進士第累遷應奉翰林著述甚多

萬姓統譜

揭傒斯雜言五歲能讀書十歲能賦詩十五事遠遊三十無所羈既垂俯

仰責復為鄰里欺生計日以疎世態多瑕疵

秋丘集

揭傒斯祖生詩浦城孝子身姓祖自憐性命如糞土生纔五歲遭亂離有



母更被官軍虜零丁二十八春秋母縱得生何處求天地茫茫明月恨  
江山漠漠白雲愁忽得母書驚母在唐川境上忽相逢白髮蕭蕭霜滿  
面居人傳說盡相看雞黍提携竟朝暮

秋互集

聶大年字東軒詩翰著名一時諸兒詩云四兒五歲六兒三莫把肥甘習

口甜清白傳家無我愧詩書世業要人擔

西湖志

白珽字廷玉本四明名儒舒少度子通武育以爲嗣五歲能屬對

宋文憲公集

鄭元祐出塞効少陵騎羊五歲兒出沒區脫中翻身異鳥鼠快捷如飛鴻

生理不土著水草無豐凶一戰那足平燕然方勒功

僑吳集

李韶字元善父爲司理叅軍多陰功故生于韶甚聰穎五歲卽能賦梅花

詩嘉定四年與兄寧同登進士

弘簡錄

吳澄字幼清崇寧人五歲日誦千言夜讀書至旦母恐其過勤節膏火不

多與候母寢燃火復誦既長通經傳用力聖賢之學人稱草廬先生

史

易炎正字致中五歲讀書五行俱下

易氏譜

汪文璟字良辰生有異質五六歲如成人平居危坐終日性嗜學泰定進



士累官廉訪使著有居朝集明農稿

萬姓統譜

李德輝字仲實生五歲父疾革指德輝曰吾爲吏治獄蒙德者衆天或報

之是兒其大吾門乎至元初德輝由太原總管入爲右三部尚書

元史

胡景清龍溪人元兵下漳南景清甫五歲隨父母逃難倉卒失母及長知

學每念母輒泣下乃辭父之燕而未識其處踰年始得之蓋母子不相

見者四十年矣事聞旌之給驛以歸

元史

謝端幼穎異五六歲能吟詩十歲能作賦

元史

陳櫟五歲入小學卽涉獵經史

續弘簡錄

包廷藻字文叔號南澗眉目秀整聰穎過人五歲見伯父記飲中八仙及

大歷十才子隨記隨失南澗牽衣問曰翁何健忘耶兒雖耳聞已熟於

心矣因歷數以對翁大驚及長銳然尚友古人朝負耒出耕少暇躬親

杵臼井竈之事及入夜方懸燈挾册琅琅聲不絕四方來從以講解

古爲第一義

宋濂集

明太祖自幼好結交鄉中豪傑之士年五歲玩戲鄉里好爲兵戈禮儀之



事人皆器重之一日有異僞善相者見之遺詩一首曰祥雲覆體應黃袍氣概凌霄萬丈高卓越出乎人世上定寧海宇統天朝

編年考

蔣宮字伯離五歲誦孝經論語左氏春秋

揚州府志

方克勤字去矜幼而端凝五歲知讀書日辨章句

宋濂方愚菴先生墓銘

顧謙字仲謙儀真人五歲性穎異弱冠博聞強記舉止凝重事母至孝居

喪形容骨立洪武庚辰進士拜御史所至擊奸戢貪舉賢勸士為時名

吏有集

萬姓統譜

黃潤玉字孟清鄞人五歲侍母病夜不就寢

寧波府志

劉崧字子高方五歲從祖父授書已知大義

劉崧與周伯寧書

解縉字大紳生而穎絕未能言即知人教指夢五色筆筆有花如菡萏五

歲時族祖抱置膝上戲之曰小兒何所愛應聲作四絕句其一曰小兒

何所愛夜夢筆生花花根在何處丹府是吾家蓋記其事也

列朝小傳

曾榮字子啟豐城人自幼穎敏端重寡言笑五歲盡識象戲字長稱江南

才子及入翰林上時召試迅筆千言立就詞理皆到上屢摘群書隱僻



事問輒應口對有薦文士者上必曰能如曾榮否著有巢睫集三元考

方可字子時桐城人幼夙慧五歲日記數百言桐士鮮治春秋公獨千里

求師於楚遂稱專門繪所居為山居八咏好士者屬和之龍眠風雅

袁珪字廷圭珙兄五歲讀郎成誦萬姓統譜

楊守陳字維新五歲就家塾日記數百言初學詩文輒吐奇語稍長迥出

等輩景泰庚午舉浙江鄉試第一明年第進士授庶吉士得盡讀中秘

書寧波府志

王守仁初名雲五歲不能言一日出從群兒戲有僧見而撫之曰是非凡

兒奈何名泄之耶王父悟因為更今名郎能言忽誦祖竹軒公所讀過

書訝問之曰聞祖讀時已熟記矣年譜

易鸞字鳴和五歲能詩正德中建黃太常子澄忠臣祠鸞願以此地立祠

助修人物志

張元忠字中英汴人也鸞肩廣額修眉長準準上黑子隆起五歲從父僉  
事公令錢塘署驟災舍人子驚求先生不得乃自請抱印出僉事公異



之俾見客拜起如成人俾就外傳握管受字即能辨點畫波拂嘗有沿司檄者先生驟見之曰非真檄也問何所得之曰於前檄篆得之僉事公既驗而益大異先生曰兒任官矣

編年考

張元禎字廷祥初名文魁生而靈異五歲出語驚人

類書纂要

林霄五六歲時號奇童成化中丁酉鄉試第七連登進士憲宗以其語洪

亮特賜一品服出使暹羅

浙江通志

世宗肅皇帝龔生五齡穎敏絕人獻皇帝口授輒成誦萬幾之暇喜爲詩

文楊一清進呈元宵詩有愛看冰輪清似鏡之句上以爲顓中秋改愛

看金蓮明似月一清疏謝以爲曲盡情景不問可知爲元宵俗矣

張鳳翼字伯起生五歲猶不言一日見大父掃除遽謂姆汝當代掃聞者

異之嘉靖甲子舉於鄉四上春官嘆曰母老矣尚僕僕三千里外幸不

可得之名而忘朝夕倚閭耶遂棄去

蘇州府志

沈應元字子春五六歲能侔徑尺大書嘉靖庚子舉人

蘇州府志

孫文簡承恩五歲吳一齋以紅燭試破郎答曰色似朝霞光同夜月吳曰



此清華色象異日華國之徵

編年考

程策字石峰休寧人幼卽穎悟異凡兒五歲習古詩孝經輒誦又習數法父戲之曰兒長欲握籌從市魁作鄙耶策對曰大司農錢穀豈亦鄙也父不能難

編年考

袁襄字永之生五齡知書

蘄州府志

羅文恭公洪先字達夫吉水人自幼端重不爲嬉弄五歲夢至通衢市人肩摩目知爲夢呼曰汝往來者皆在吾夢中尚自攘攘何耶拍手大咲遂覺以告母李宜人識者知非埃壻人也

羅文恭公集

羅近溪五歲從母授孝經諸書

編年考

趙宮保貞吉字孟靜與弟孝廉蒙吉初生時太夫人皆夢緇衣比邱來借

居生五六歲坐沙地偶語皆論出世事家人咸莫能曉東越周汝登有詩贊公畫像云百官頭上論兵事美爾緇衣小比邱蓋記其事也

列朝小傳

鄒守愚字君哲五歲就家塾卽穎敏不凡

鄒襄惠公年譜

祝允明字希哲五歲作徑尺字

列朝小傳



陳沂字魯南五歲能屬對

編年考

湯臨川子士遷五歲能背誦二京三都

列朝小傳

吳道本妻林氏以夫無子爲置側室生子夢麟才五歲抱置膝上口授論

語孝經諸書蓋其所素習者不失一字就外傳使人覘其所爲或涉嬉

縱輒加笞責

西涯集

張字初字子璿天師正常冢子也五歲讀書十行並下嘗侍父登樓見雲

霧起西北金扉洞開天神護衛鎧仗森列父戒之曰天機勿泄也

列朝小傳

裔鳳字廷儀五六歲時侍父侍郎公毅口授尚書輒成誦終卷

西涯集

紫柏大師可公諱真可字達觀姓沈五歲不語有異僧過其門摩頂謂曰

此兒出家當爲人天師言訖不見遂能言

列朝小傳

楊震春字起鰲五歲時端凝敏慧不同恒兒眉心有灸痕如一日光彩映

發郢客見而異之伺父一山公出負去及公歸散金募士數年不獲萬

歷癸未一山公至武昌遇之時刺史公年十有四矣

陳淳楊刺史傳

吳應賓五歲入塾日誦千言

安慶府志



陳際泰字大士生平無師五六歲時其尊人流寓閩地教授諸童子一日呼大士授以大學則歷歷成誦凡四子之書皆然驚問之曰日間諸童誦聲已耳熟矣

張宋陳大士文集序

何倫字士明錢塘人天性孝多方四五歲時得所分鮭魚不食而藏之夕

便奉父母稍長讀書至古人忠孝大節輒撫几而嘆父病侍湯藥不解

衣五閱月及卒負土成墳晨夕攀栢而號哀感行路以母氏病弗克虛

墓晨往暮歸整整道路間與妻子雜採湖中菱茨共米菽而飯三時上

食列簋如故母閱八袞乃終倫亦白首矣猶孺慕如喪父不少衰

錢志

侯萬鍾嘉定舉人五歲時適野墮江中有巨手如白雪擎之出得不死年

十八授徒於青溪聞父病馳歸侍湯藥焚香告天願以身代忽有朱橘

自空中墮葉綠色紅鮮潤如新橘時六月上旬也因進父嘗之異香蒲

室病遂愈人以爲孝感

蘇州府志

吳德操字鑑在咏懷詩五歲入鄉塾從師受章句

龍眠風雅

方其義字直之五歲能辨四聲屬對如流長謝諸生帖牒之學輒喜爲詩



才氣蠡湧書法丰厚尤冠絕一時

龍眠風雅

齊維程字子安生秉絕慧五歲授書過目成誦

安慶府志

宋勝之年五歲失父母遂家於潁城聚中孝慕甚篤聚中人化之少長皆

有禮遊太原從郇越牧宰以琴書自娛孔光就太原辟之不至

萬姓譜

王猛字世雄五歲而父清遇害及長勤學不倦博涉經史兼孫吳兵法

崔子約五歲喪父不肯食肉後喪母居喪哀毀骨立人云崔九作孝風吹

郎倒長八尺餘姿神雋異為平原公開府祭酒與兄子瞻同寄居佛寺

每退朝羗几相對儀望相映諸沙門竊窺之以為二天人也

萬姓統譜

何承天東海剡人五歲失怙母徐氏廣之妹也聰明博學故承天幼漸訓

義經史百家莫不該覽

宋書

庾沙彌父佩玉誅沙彌始生及年五歲所生母為製采衣輒不肯服母問

其故流涕對曰家門禍酷用是何為及長終身布衣蔬食嫡母劉氏寢

疾衣不解帶及亡號痛過禮所坐薦淚沾為爛墓在松林忽生旅栢百

許株枝葉密茂有異常松

南史



陶季直五歲喪母哀若成人初母未病合於外染衣卒後家人始贖季直

抱之號痛聞者莫不酸感

南史

吳淵端重寡言苦志力學五歲喪父哭泣哀慕如成人嘉定間建德王簿

史彌遠曰君國器也差浙東提舉茶監司

浙江通志

任敬臣字希古隸州人五歲喪母哀毀天至嘗問其父曰若何以報母父

曰惟揚名顯親耳乃刻志從學任處權見其文驚曰孔子稱顏回之賢

以爲弗如也吾非古人然見此兒信不可及

唐書孝友傳

曹侯者嘉祐中爲益陽令有善政既去而民思之後知賓州以沒沒時其

子堯封才五歲其文書皆族人藏去後知益陽齊術叅酌民言爲興政

錄錄其大槩

黃山谷集

葛書舉字規叔君弱不好弄年五歲遭太夫人憂哀毀如成人與輩而輒

揮去不食及長篤行力學敏於文詞

秦少游淮海集

黃覺經南城人五歲因亂失母稍長誓天誦佛書願求母所在乃渡江涉淮行乞而往衝風冒雨脩歷艱苦凡三十八年至汝州梁縣得之至治



中旌表其門 一統志

饒宗魯字心道性孝友五歲母沒恆以不逮養爲恨春秋展墓涕泗交集

事繼母以孝聞

萬姓統譜

董越字尚矩五歲失怙爲母氏所鞠及弱冠極力供養以其暇學舉子業

成化進士累官至尚書謚文僖

西涯集

聞繼龍初字仲達又字隱鱗家宰莊簡公淵之孫生有至性五歲喪母哀

毀如成人博通經史善詩古文詞精書法志慕高逸終不一試

鄞縣志

唐汝詢字仲言雲間人五歲而瞽父兄抱膝上授以三百篇及唐詩無不

成誦旁通經史能爲諸體詩箋註唐詩嘗誦于虛上林諸賦杜白諸長

篇不遺一字亦近代一異人也

隱秀軒集

唐藩鎮中國尉碩燾字孔炎祖輔國將軍字浹五歲喪明從師氏晝掌識

文字而耳授書久之博通群籍熟習典故旁通太乙壬遁百家之學辨

識古器以手摩之即解唐成王以摩天王日之

列朝小傳

馮有經字正子五歲喪父事太孀人以孝稱每進講光宗恒目屬之曰馮



先生孝子也喪母不勝哀而卒天啟元年追贈禮部侍郎

列朝小傳

金耀彩瞿塘衛人至性純孝甫五歲父母相繼早逝終身哀慕時伯母張亦孀居無嗣憐而拊煦之年十四以世及之典襲爲千戶長晨夕執定省禮甚恭所入俸餼悉市甘脆以進而又篤於宗盟高潔修介大節所在賁育莫能奪萬歷中兩院下記交獎之

夔州府志

衛青字順安號靖一宋淳熙狀元涇之裔少有至性五歲而孤號泣不食者累日鞠於季父生死殫誠與父無殊生平慷慨有大節一夕偷兒入室執之比鄰也密與其物縱之終身不洩

鄧縣志

鄭楫江陵人五歲失父母及長無日不哀泣思母繼母性嚴百順承歡卒

感化爲慈母父母沒幾至滅性廬墓四十餘年年八十八卒

荊州府志

韓昉字公美五歲喪父哭泣盡哀攻文詞天慶進士第一累至儀同致仕

自微至顯讀書未嘗去手高麗使者至必訪問安否

金史

蕭岐字尚仁五歲而孤事祖父母以孝聞有司屢舉不赴洪武十七年詔徵賢良強起之上十便書萬餘言召見授潭府長史力辭忤旨謫官雲



南訓導學者稱正同先生 明史

金機字仲星會稽人母王氏事舅姑以孝聞沒時機甫五歲擗踊如成人禮泊父貴機痛母不及見語及輒於邑妻爲焉少叅女與機同志有詩云蘋蘩未奉先姑面聽指遺踪幾悵然之句機於父母終身孺慕人咸稱之 紹興府志

高粹潼陽者姚州土州同五歲喪父性孝母病痿痺晨夕顙稽此辰求以身代遂愈後病目幾失明賜亦舐之爭卽愈後復病瘡吮之又愈成化間具奏旌表 雲南通志



陳

論興水法

云應藥未來矣故曰離卦散親終歸然父公繼領父母終身壽終人  
類皆安清離散母不見其清父卿外已妻盛品也終其與離同  
金對乎中星會離人於王天華畏故以奉聞焉此離甫正其離風  
南臨學普爾王同去主更史



六歲

周成王年六歲卽位享國親以其身見於粥子之家而問焉新書

孔子年六歲爲兒嬉常陳俎豆設禮容關里志

孫叔敖六歲見兩頭蛇泣告其母母曰蛇今安在曰吾聞見兩頭蛇者必

死吾恐他人又見殺而埋之矣母曰無憂有陰德者必有陽報後果爲

楚令尹編年考

王克六歲教書恭愿仁順禮敬具備矜莊寂寥有巨人之志父未嘗答母

未嘗非閭里未嘗讓王克論衡自紀篇

張寬字子孝扶風平陵人六歲號聖童性端方動止有則不欺屋漏仕光

武朝光武有失輒諫常乘白馬上每見卽曰白馬生且復來諫矣編年

馬客卿援末子幼而岐嶷六歲能應接諸公對賓客內外若訥而內沉敏

援甚奇之以爲將相器故以客卿名焉山堂肆考

陸績字公紀六歲見袁術于座上懷橘三枚辭去墮地曰欲歸遺母陸績

孟宗字恭武少孤六歲母病篤冬月思笋羹宗乃無計往竹林中抱竹而



世說新語卷之十一

哭孝感天地須臾地裂出筭數莖持歸作羹奉母畢疾愈編年考

曹操時南山獻山雞操欲其鳴舞而無由公子倉舒六歲云取大鏡着其

前雞見形而舞不止編年考

魏文帝六歲而知射典論自序

永安二年三月有異兒長四尺餘年可六七歲衣青衣來從群兒戲諸兒

詳視之服有光芒燦燦外射諸兒畏之問曰我乃熒惑星也諸兒大驚

走告其大人馳往觀之竦身而躍如匹練登天大人猶及見焉搜神記

潘岳字安仁中牟人美丰神多才學六歲號奇童時論謂終賈之儔每出

遊諸女子愛之輒擲菓滿車而返嘗與夏侯湛同與接茵觀者稱為連

璧及為河陽宰栽花滿縣仕至黃門侍郎編年考

謝尚六歲父鯉常携之送客或曰此兒一座之顏回尚應聲答曰坐無尼

父焉別顏回世說

江革字休映少有才思六歲便屬文小時作採荷調以刺何敬容曰欲持

荷作柱荷弱不勝梁欲持荷作鏡荷暗本無光敬容不覺惟歎其工世說



陸雲六歲與兄齊名閔鴻奇之曰此龍駒鳳雛

晉史

傳咸六歲常隨其繼母省杜有道妻嚴氏謂咸曰汝千里駒也必當遠至

以其妹之子妻之咸後有名海內其知人之鑒如此

晉書

王綯或之子六歲外祖何尚之特加貴異受論語至郁郁乎文哉尚之戲

曰可改爲爺爺乎文哉娛綯呼綯捧手對曰尊者之名安得爲戲亦可

通道草翁之風必舅舅尚之子偃也

啟顏錄

謝瞻字宣遠六歲能屬文與從叔混族弟靈運俱有盛名嘗作喜雪詩靈

運寫之混誅之嘲謝之時以爲三絕

萬姓統譜

王瞻字思範六歲從師時有伎經門過同業皆出觀瞻獨不視習業如初

從父僧遠聞而異之謂其父猷曰大宗不衰寄之此子

編年考

江文通六歲能屬詩

劉璠梁典

梁簡文帝年六歲郎能屬文詞致精美武帝嘗嘆曰此吾家東阿也目光

燭人讀書十行俱下九流百氏經目必記篇章詞賦操筆立就

梁書

梁元帝聰悟俊朗天才英發出言爲論音響若鐘年五六歲能誦曲禮



楊愔字彥通弘農華陰人津子也小名秦王兒時口若不能言而風度深

敏六歲舉史書仕至尚書僕射

北史

李繪靈曾孫也六歲就學既長神情朗雋舅邢晏曰宅相之寄良在此甥仕北魏爲中書侍郎每朝繪先發言端音詞辨正風儀都雅而聽者悚然

一統志

劉苞字孝實父宣三歲而孤至六七歲見諸父常泣時伯父俊繪等並顯貴其母謂畏憚怒之苞曰早孤不及有識聞諸父多相似故中心悲耳因而歔歔母亦悲痛

南史

劉顯字嗣芳幼而穎敏六歲而誦呂相絕秦賈誼過秦天監初舉秀才尚書沈約命駕造焉於是坐策顯經史十事顯對其九約復令顯問約五事約對其二時陸倕聞之擊節喜曰劉郎子可謂差人雖吾家平原詣張壯武王案謁伯喈必無此對其爲名流推貴如此

南史

徐勉字修仁幼孤貧早勵清節六歲時厲霖雨家人祈霽率爾爲文見稱

耆宿

梁書



范雲字彥龍六歲讀毛詩日誦九紙殷琰曰公輔才也官至吏部尚書南史

顧歡家世寒賤父祖並為農夫歡獨好學年六歲知推六甲南史

陸瓊字伯玉雲公子幼聰慧六歲為五言詩有詞采蕪州府志

劉歊六歲誦毛詩便能問難編年考

馬樞字要理茂陵人六歲能誦孝經論語及長博通經史尤善周易老子

梁邵陵王剌南徐州素聞其名引為學士侯景亂隱茅山有終焉志陳

文帝徵為度支尚書辭不應命南史

王僧孺年六歲解屬文梁興除鎮軍記室稍遷蘭陵太守後卒於諮議選

王儉字仲寶年六歲襲封豫寧侯拜日家人以公尚幼弗之先告既襲珪

組對揚王命因便感咽若不自勝任昉王文憲集序

清河王懌六歲彭城王稱曰風神外備黃中內潤南史

蔡徵字希祥幼聰敏精識強記年六歲詣尚書褚翔翔嗟其穎異七歲丁

母憂居喪如成人繼母視之不以道徵俱事益謹本名賢父景歷以為

有王祥之性故為之更名字焉太建中遷太子舍人尋授左尹尚書萬



顧元平六歲家貧父使田中驅雀作黃雀賦歸雀食過半父怒欲撻之見

賦乃止

南齊書作顧歡字景怡七歲時事同或亦傳寫之訛也

陸定國麗之子在襁褓時文成幸其第詔養宮內至於將止常與獻文同

處年六歲為中庶子及獻文踐祚拜散騎常侍賜爵東郡王

萬姓統譜

楊僧達六歲文帝稱其早慧召見陽德殿

類書纂要

北齊廢帝年六歲初學反字於跡字下注云自反侍者未達帝曰足旁亦

字跡非自反耶

類書纂要

薛世雄六歲與群兒戲畫地為城後果拜將

編年考

孫士潛字石龍六歲上書七歲屬文金樓子自叙曰余六歲解為詩奉勅

為詩曰池萍生已合村花發稍周因而稍學為文

幼童傳

陶弘景四五歲便好書今猶有六歲時書已方幅成就九歲十歲讀禮記

周易尚書春秋雜書頗以屬文為意

華陽先生本起錄

姚察字伯審武康人幼有至性六歲誦書萬餘言不好戲弄勵精於學



孫思邈六歲時人呼聖童居太白山唐太宗召之不赴 大千生鑑

王勃年六歲能文詞高宗以佺鸞雞檄怒斥之勃往省父於交趾至南昌

九月九日都督閻伯璵大會客於滕王閣勃年少厠坐末闕出紙筆莫

敢當者勃受不辭遣吏伺之至落霞句曰天才也 本傳

杜甫六歲屬詞長遊吳楚齊趙 一統志

玄奘子六歲即能屬文 張氏譜

白樂天有姪始六歲字之爲阿龜有女生三年其名曰羅兒一始學呖語

一能誦歌詩 長慶集

孟郊生六七歲端序則見長而愈騫涵而操之內外完好色夷氣清可畏

而親 韓昌黎貞曜先生墓誌

劉鄴字漢藩六七歲能屬文李德裕嘉之使與子共學後爲翰林學士同

崔沆同平章事 宋祁唐書

段秀實字成公六歲母病勺飲不入口者七日病間乃肯食時號孝童唐

建中初召爲司徒 類書纂要



畢構字隆擇偃師人六歲能文擢進士居親喪毀棘甚累官至太子詹事

卒諡景唐書

劉神童六歲及第鄭谷字可愚贈詩云習讀在前生僧談足可明還家雖

解喜登第未知榮時果曾沾賜杜韶賜以便殿親試春闈不掛情燈前猶

惡睡寐語讀書聲鄭柳官集

尉遲侯堯代人尚周文帝姊昌樂公主生迥及綱迥年七歲綱年六歲侯

堯病喚二子撫其背曰汝等皆有賢相何恨吾不見耳各宜勉之後迥

封屬國公綱至昌平郡公萬姓統譜

錢鏐字具美小字婆留杭州臨安人六歲頭角漸異相貌雄偉與里中小

兒遊戲齊力獨勝嘗於石鏡山淵中照見自己冕旒遂有太志編年考

楊億字大年浦城人六歲不能言人抱登樓遂吟危樓詩曰危樓高百尺

手可摘星辰不敢高聲語恐驚天上人詩話

萬適字縱之陳州宛邱人六七歲即為詩及長精於道德經與高冕韓休

不求仕進隱居嵩陽以著述為務有狂簡集嵩山志



韓億年六七歲病甚父令公與夫人守視之忽若張口歛藥狀印有道士牽犬以藥餌我俄汗而愈後因圖像而祀按列仙傳常善俊武后朝長齋奉道常牽黑犬名烏龍世俗謂藥王云

柳陰舊話

賈黃中字媯民滄洲人唐相耽四世孫年六歲中神童選

隆子

山堂肆

考伶六歲知臺閣事

李觀字泰伯南城人與蘓祠部書曰觀南城賤民生長好學由六七歲時調聲歌習字書勉勉不忘逮于今二十七矣其間染采薰香附合時律外尤存心於古學

本集

黃鰲連江人六歲能詩構思敏捷有設對者應聲而答無不中的祥符八

年應童子科賜進士出身

萬姓統譜

富彥國在青社河北大饑民爭歸之有夫婦襁負一子棄之道左空冢中而去後歸鄉過此冢欲取其骨則兒尚活肥健於未棄時冢中有蟾蜍如半輪氣咻咻然意兒呼吸此氣故不食而健自爾遂不食年六七歲肥理如玉其父抱兒來京師以示兒醫張荆筐張曰物之能蟄蛇蝦蟆



之類是也能螯則不食而壽千歲若聽其不食不娶則得道矣父喜携

去今不知所在

蕪城仇池筆記

俞夢龜銅陵人六歲背誦六籍後應神童科授秘書正字

萬姓統譜

司馬光曰余生六歲而父兄教之書雖誦之不能知其義

迂書

韓彥直字子溫世忠子六歲從世忠入見高宗命作大字郎命拜跪書皇

帝萬歲四字帝撫其背曰他日令罷也歷官至顯謨閣學士

朱史

胡寅字明仲六歲少傑黠難制安國閉之空閣中有雜木寅盡刻爲人形

安國曰當有以移其心乃置書數千卷歲餘成誦

衡州府志

王本字觀復分寧人六歲能詩日誦千言登元豐進士知祁門縣

人物志

范濟美六歲卽讀書書過目成誦日記數千言未成童從師於郡庠敝衣

菲食與貴游子弟居不少屈以苟合視膏粱文繡淡如也

楊龜山范君崇簡

廖衡性警敏六歲能文縣尉催租見之命吟雨中山茶有淚多陳后絕離

殿浴出楊妃困倚欄之句因大奇之名聞於郡禮迎至試以詩隨題立

就句尤婉麗

類書彙要



胡沂字周伯父宗汲號醇儒沂穎異六歲誦五經皆畢紹興初進士陸沉

州縣三十載孝宗時為禮部尚書

萬姓統譜

王十朋幼兒孟丙六歲從周諫叔能誦家求孝經論語及五言詩書院從

遊近自人頗能道其姓名字或優劣品藻之於所親之前

梅溪集

虞允文字彬甫六歲誦九經

引簡錄

應係字自得六歲能詩登紹興進士調烏程尉毀淫祠存徐孺子廟鄰邑

有沈氏兄弟訟財郡檄係按實委曲開諭適沈有子魁鄉薦因傲之乃

為詩曰嘉木灌叢春意好可憐不種紫荆花兄弟感悟其爭遂息

寧波府志

劉砥字履之六歲日誦千言至覽忠孝大節輒激發感慨

萬姓統譜

羅點崇仁人六歲能文淳熙初廷試第二人嘗以薦對策切中時病累官

端明殿學士卒謚文恭點端介有守無矯激之行或謂天下事非才不

辨則曰當先論其心其心不正才雖過人何取哉

一統志

汪儀鳳字祥甫歙山泉人六歲能文連中浙漕凡五試禮部不利後以通

直郎致仕

萬姓統譜



普安禪師朱政和間生六歲夢一僧點其心曰汝他日當自省既覺白母

母視之當心有一紅點大如櫻珠父母從此許從壽隆院出家搜神記

蔣常六歲爲梔子花詩未結黃金果先開白玉花類書纂要

李孟傳字文授父光南遷時經六歲奉母居鄉刻志向學以遺表恩累知

太府丞韓侂冑願見之曰行年六十去計已決不敢聞也朱書

陳著字子徵六歲能文登文天祥榜進士爲著作郎郎疏劾賈似道曰似

道居外閫則志在欺君處端揆則務於瘠民未有將相如此而能致隆

平者乞罷買公田斥逐似道庶可以救國安民疏上出知嘉興寧波府志

斬和居鄉喜周貧乏導人以善金貞祐間兵擾團結鄉人保障後仕元政

治公平子用六歲從張禮之學仕爲曲沃冀城令累官僉嶺北湖南廉

訪使致仕父子忠藎士林稱之萬姓統譜

斷崖禪師姓楊氏能食不茹葷酒六歲始能言有禪者過之誦高峰上堂

語曰欲窮千里目更上一層樓師忽言曰此人善知識必能爲人拔釘

去楔能與我往見之乎母驚異之史纂



去模能與我往見之乎母驚異之  
一日而盡自後日記千餘言九歲而能詩鄞縣志

方孝孺年六歲喜學能詩題山水隱者曰棟宇參差逼翠微路通猶恐世

人知等閑識得東風面臥看白雲初起時年譜

詹鼎字國器生六七歲不與市中兒嬉敖獨喜遊學館聽人讀書歸輒能

言諸生所誦方正學詹問傳

解縉字太初江西吉水人六歲其族祖戲之曰小兒何所愛縉應聲曰小

兒何所愛愛者芝蘭室更欲附龍飛上天看紅日編年考列載小異并存之

王儼字孟陽生六齡其母手疏先人之蹟與古今豪傑大略教之弱冠領

鄉薦乞歸養母母沒廬墓六年太宗初聘至待以殊禮授檢討剡

臧性字孟庠鄞人父文清學行高於時性早習庭訓甫六歲教之蒙求郎

能成誦萬姓統編

劉謹山陰縣人洪武中父謫戍雲南謹甫六歲輒知痛父一日問家人曰

雲南在越何方家人以西南指之輒朝夕向西南遙拜明史後編

鄭文茂字寶夫生而神穎始離襁褓行即緩步正視如成人御衣履有敝



而無垢六歲從外傳周師師好以小禮約束諸生諸生不堪將去之寶夫獨曰患不熟耳熟之當更佚也蓋人人詫寶夫早慧云天性孝友事祖及父母伯叔兄弟皆周詳宛至能得其歡迨居官自矢冰潔厲操隱約有經濟才多明異政仕至兩臺

鄞縣志

周冕字汝服六歲讀書日記千言

周思兼字叔夜別號萊峰華亭人生有異質少爲大父所器恆抱着膝上

曰此吾家千里駒大父尉興國叔夜六歲從尉所視獄從旁輒能解曲直歲時知故有問遺尉者循故事或未却叔夜抗言曰此不當受大父

益奇之及仕知山東平度州多善政號神明

弁州集

徐霖杭州人六歲精於書法柯學士潛贈詩云徐家之子真奇絕風骨自與凡人別神駒矯矯步天衢雛鳳翩翩出丹穴前身可是張文舒不然年經五六那能書當筵握筆不停手驚風颯颯蛟龍走掃盡鸞箋三百張鐵畫銀鈎大如斗君不見東鄰老翁生一子痴絕無才事純綺從來紙筆不相親見此奇才應愧死

編年考



耶律孟簡復易性穎悟六歲父晨出獵俾賦曉天星月詩應聲而成父太

奇之遼史

女奚烈守愚字仲晦六歲知讀書或謂食肉昏神乃戒不食

金史

虞集送陳碩詩六歲過閩郡書聲憶蒲城

駢字類編

傳定保晉江人六歲能解太學事母至孝大德初用薦為漳州學正首以

太極圖西銘講說聽者悅服號古直先生

甫姓統譜

任士林字叔實自幼穎敏秀拔年六歲能屬文父恣廬墓筆畫疊疊不倦

諸子百家靡不周覽至大初以中丞郝公薦授安定書院山長

松鄉集

劉駟字夢驥六歲能詩長而深究於周程朱呂之學杜門深居不為苟合

公卿使者過之避不與見愛孔明靜以修身之語表所居曰靜修又號

雷溪真隱

丁亥集

伯顏師聖六歲從里師授孝經論語即成誦

元史

顧潤字德輝鄞人祖應春父叔川皆名士潤幼承家學甫六歲即善屬文  
郡欲以神童貢不果既長肆力經史卓然欲以事功自見著守齋彙稿



朱景濂為之序 寧波府志

方天瑞字景雲六歲時與群兒戲於池濱一兒俯身攀藕花忽墮水中羣

兒皆驚奔府君急持其足揚聲大呼人聞而來抱兒還其父朱文憲公集

王剛六歲知好書家貧不能致每借市中一誦輒能記誦稍長所嗜益深

父機命牧牛掛書於牛角而讀之隨牛而東西行日入忘歸後使之視

春溪濱扶策坐轎車則米成粉不悟父怒遂之出世父憐之為代償其

米且令聚徒教授束修悉以購書積至萬餘卷 宋學士集

碧峰宣州異僧也姓石氏六歲依雲寂溫法師為弟子遊義眉山絕粒啖

栢嘗趺坐大樹下忽水漲人疑已死七日本水退跌坐如故太祖渡江遇

一元臣曰欲行正道可尋宣州金碧峰必有所授至宣訪之一老僧也

太祖仗劍就問不對因拔劍僧引頸就焉上咲曰可見殺人王道士僧

曰不見不怕死和尚耶相語遂洽僧曰建康有地可王遂定鼎焉類書

宋濂字景濂號潛溪姪七月而生六歲能詩歌日記二千餘言長好學名

傳四夷鄭元慶明史後編又小傳六歲入小學其師包文叔授以李潛蒙求



王華字德輝生而警敏六歲與羣兒戲水濱見一客來濯足以大醉去遺其所提囊取視之數十金也華度其醒必復來恐人持去投水中坐守之少頃其人果號泣而至華述謂曰求爾金耶為指其處其人喜以一錠為謝却不受

萬姓統譜

舒芬字國裳生而穎異不羣凡兒六歲授孝經論語等書輒了大義

編年

李獻可吉水人年六歲孝宗召入宮試之以詩稱旨帝拊其背曰何不作

我家兒命宮女繡御掌於背以賜歸

西江志

張世傑字漢臣六歲召入賦元妃素羅扇畫梅云前村消不得移向月中

栽其後常隱居不出

編年考

楊士奇一歲而孤母改適羅公理時舉進士為德安府同知以其家行歲時祀先祠恆命諸子陪理公獨不見命時尚六歲以問母母泣而語之因慟日益感發七歲私竊磚土倣作神主於外別室祀其三世每旦焚香出入扃鑰秘無知者既久左右覘之以告德安公旦視先生入謁與母家人從戶外窺之見其進退拜伏皆感泣遂復姓

氏姓博考



蔣用文名武以字行六歲賦萬年松詩師爲避席精醫授御醫陞判院事

列朝小傳

屠喬宇安鄉鄞人幼穎異擬若成人六歲時父湖授以孝經小學數過輒成誦稍長補郡庠生舉正統辛未進士授御史累至刑部尚書抗節不阿舉朝無與爲二者人以趙清獻王文恪擬之

寧波府志

李恆字廷臣華亭人六歲作詩作奇語稱神童舉正統甲子鄉薦成化間授處州府發摘如神調汀州時郡城久圯虎入爲患恆爲文檄城隍神數日後虎死祠下他有善政十奇邦人刻石兩臺奏請旌異以疾乞歸足不入公府爲鄉飲大賓年七十一終恆嘗勦賊上嘉其功賚白金文綺之賜

編年考

王守仁六歲始能言穎異頓發

紹興府志

李東陽六歲八歲兩召見

本傳

謝長民六歲父秩滿遷官盡取羣書封識之他物無所取

天備子集

楊寶字誠之別號南里幼多疾書恍惚不能記六七歲時忽若有得隨行



授輒應口成誦 李西涯集

楊守卬字維立生而警敏授經傳郎通大義 寧波府志

趙文肅公貞吉字孟端號大洲蜀之內江人生而穎異六歲誦書日盡數

卷 編年考

易西泉贈楊生詩楊子年才六七強文采翩翩登我堂登堂一揖復再拜

有席不就立其旁乃翁與我同郎署居然我作先生行毛骨自是廊廟

器况乃門閥稱金張 浯池集

楊茂仁字志道守陳次子六歲入小學日誦數百言客有指銅圓爐合作

破題者輒應聲曰范金以為體然火以為用其妙悟不凡如此比長剛

介特立當官守職表樹卓然累官刑部侍郎有鳳州遺稿 寧波府志

王雲鳳字應韶六歲時父尚書公佐與坐客論易及馬為行地之物公從

旁問曰何者為行天之物得非龍乎坐客大驚成化進士官僉都御史

巡撫宣府丁尚書憂服闋遂不起與王瓊喬字號河東三鳳 列朝小傳

黃省曾字勉之六歲好緇素古文解通爾雅長魁鄉榜累舉不第李獻吉



以詩雄于河洛則北面稱弟子再拜奉書而受學焉列朝小傳

王穉登字百穀六齡善擘窠書已授舉子業唐順之薛應旂讀其文詫曰此我輩人也補諸生入太學趙貞吉祭酒拔第一袁煇在政府令賦禁中牡丹有色借相公袍上紫香分太極殿中煙擊節嘆賞薦入史館給尚方筆札欲授以官穉登不願蘇州府志

秦禮字從節父彥彬生三子俱登進士禮四歲失恃六歲務經書輒成誦長而博究六經弘治進士令常熟調沿山民多德之臨海縣志

齊登閔字理侯六歲受書外傳一過即成誦性恬淡飲酒不能蕉葉華宵無膏梁帟履之習殆濯世之佳公子也龍眠風雅

馬玉麟字德徵六歲時從父龍光官滇南見永昌守試之以對應聲而就守以玉光劒氣稱之萬歷進士累官至叅政罷歸飲酒賦詩以沒蘇州府志

諸壽賢字延之六歲入小學即龔孔子像危坐對之蘇州府志

蘇澹字子冲侍郎總督宣大佑字允吉之子六七歲隨其父宦吳渡江

為賦二聯登虎邱能為詩四句列朝小傳



查道六歲戲畫地爲大第曰此當分膳孤遺及舉進士貧者甚衆聚親族

孤獨悉養之

編年考

吳奎字成象南城人六歲能歷覽子史五行俱下目不再覩

西江志

張元六歲祖將元就井浴元固不肯曰不可褻露其形於白日之下

覲世

黃潤玉六歲就塾危坐屹然不與羣兒狎書過目成誦

寧波府志

曠宗舜醴陵人年六歲督學試以對曰水浸狀元洲金魚跳出隨聲應曰

花滿岳陽樓黃鶴飛來携至湘陰試曰三十六灣灣灣流水應聲曰七

十二峰峰峰帶月

長沙府志

邵廉字思廉少孤六七歲便有異志能自立已而領鄉薦授貴溪諭迎母

就養洪水驟至邑人溺斃者以萬計廉倉卒抱母呼天忽有小舟若約

而赴者廉僅舫舟水駛舟箭往與母相失者兩日而復會母於東山人

謂廉孝感所至

紹興府志

熊汝霖字夢澤餘姚人生時白雲繞屋衆皆奇之四歲始能言六歲親師

所與書悉皆從默識崇禎辛未進士累至給士中侃侃直言

紹興府志



方選字以賢選嘗與客奕仲子新甫六七歲置膝上觀之辟咍語選客某道瑕可攻不信客竟得脩不敗比收局客謂新曰童子何知吾瑕乎吾不畏攻也新再爲布子如前不差一道指選攻之客大敗以是神之比弔角與郡中諸先輩奕皆無敵手時京師李時養稱海內第一品莽州過廣陵邀新與李奕初遜一子翌日則已雁行三日遂成江都縣志陸圻字麗京仁和拔貢生少穎異讀書過目不忘六七歲時卽能詩父吉永令運昌絕竒愛之事父母先意承志病則割股以進素貧盛名士爭趨之浙江通志

孝童周智六歲喪父廬於墓有紫芝之祥

白帖

范汪字玄平少孤六歲過江依外家庾氏王澄見而竒之與外族者必此人也及長好學文外氏家貧無以資給汪乃廬於園中布衣蔬食燃薪寫書博學多通善談名理官吏部尚書

晉書

傅宣字世弘六歲喪繼母哭泣如成人中表異之及長好學趙王以爲尚

書郎

晉書



沈崇係武康人六歲喪父哭踊過禮及長事母至孝母喪廬墓三年梁武

遣使慰勉令釋服權補太子洗馬旌表其門

一統志

崔仲哲蚤孤為祖母宋所養六歲宋必啼慕不止性恢達常以將略自許

累功賜爵安平縣男

萬姓統譜

薛道衡字立卿河東汾陰人六歲而孤專精好學及長才名益著裴獻曰

鼎遷河朔吾謂關西夫子罕遇其人今復見薛君矣官至司隸大夫

隋書

李紳字公垂中書令敬立曾孫六歲而孤哀等成人母盧躬授之學為人

短小精悍於詩最有名號短李

宋祁唐書

楊於陵字達夫父清死祿山之亂於陵年六歲間闕江左尋訪父屍

耑堂考

呂宣問字季通蒙正四世孫生六歲失母既長將訪所生以池陽當蜀道

乃求調錄事叅軍凡蜀客經過者必托使物色之臨秩滿有楊俊曰母

韓氏尚在乃棄官如荊州果得母相失四十餘年母子復如初時母年

七十矣

萬姓統譜

李薦字方叔六歲而孤能自奮立少長以學問稱鄉里謁蘓軾於黃州贊



文求知軾曰子萬人敵也抗以高節莫之能禦矣薦再拜受教

宋書

薛季宣字士龍六歲而孤伯父待制公收鞠之志尚卓犖與常兒異孝宗

朝爲大理丞

萬姓統譜

劉銳一家死事幼子同哥才六歲飲以藥猶下拜受左右俱爲之感動蛛

朱橘字重陽及六歲而怙恃俱失喜閱釋道之書後因臨池顧影倏然驚

悟過忠州博羅遇一道人手握一橘狀若風狂且行歌而吟吟曰橘橘

橘無人識惟有姓朱人方知是端的衆皆駭之獨橘有所感隨之郊外

無人之境乃拜而問曰真人非鞠君子乎道人驚曰子何人也橘以姓

名告乃悟昔時之事遂傳道成仙

史纂

趙文澤麗水人六歲喪父廬墓有群鼠啣花白鶴來巢之異大觀中詔賜

束帛

萬姓統譜

于顯偲新淦人六歲失怙逾年求父像時拜且哭家貧事母能盡養比荃

廬墓虎馴其側正德三年旌表

西江志

宋祐襄陽人六歲喪父天性至孝至成童痛父不存事母孝友愛諸弟勤



朱祐襄陽人六歲喪父天性至孝至成童時父不在事母孝女愛之  
於治生漸至饒裕母病刲股以進獲愈母沒水漿不入口者累日枕塊  
啜菽者十有五年子釗亦孝鄉黨稱之一統志

祖浩然字養吾浦城人儒家子至元中黃華盜起掠其母以去浩然繼六  
歲聲問不相聞者二十年至大間福建帥府檄爲書院長將之任忽有  
告以母在河南而不能名其地遂惻然棄職辭父往詢之間關數千里  
得于唐之境奉以來歸萬姓統譜

朱蘊釗字澍南宗室子六齡失怙事父至孝母當六十稱觴有白鳩白鵲  
繞庭飛鳴人以爲孝感所至通志

朱國泰字千保遂昌人性孝友六歲失怙卽嗚嗚孺慕事節母黃氏至九  
旬脩極色養輕財周急中丞高公嘉其孝義獎勵處州府志

吳炯字晉明華亭呂巷人六歲失怙茆茨數椽與母朱影相吊也刻志讀  
書萬歷己卯舉鄉薦追念父穉沿途涕泗不絕己丑廷對拜杭州推官  
尋擢南兵部慨然曰仕行道乎殖祿乎六經煌煌孰觀其光盍歸而求  
之於是廣著書籍改遷同寺上扶理學疏致歸居鄉力行道義助試士



程資給贍宗族一郡咸感其德惠焉

編年考

朱文林字士先六歲喪父哀麻哀慟如達禮者家貧櫛髮爲藝竭力養母  
母病思魚文林禱水投竿卽得寡姊目盲母念之迎歸與母同寢食姊  
先卒棺衾塋塋母病篤文林潛割乳下肉一臠密丸湯以進母遂愈母  
卒廬墓側依樹結茅虎間來不爲懼哀聲達於行道鄉人感動安慶志  
章琳事母至孝六歲母病值溽暑卽能爲母扇枕鄉人呼爲小黃香母寢  
室後有巨木上多蛇母見驚病琳焚香籲天是夜風雷大作拔木出墻  
外人咸以爲孝感廬墓三年直指黃鍾旌之年八十二卒浙江通志  
毛錦臨桂人六歲喪父以不知祖母墓爲恨每至春秋墓祭時輒望空痛  
哭一日行山間恍若有物前導趨逐之披草而臥碑在焉卽其祖母墓  
也時孟御史洋聞其事以詩贈之

廣西通志



七歲

七八歲附

七歲曰竹馬之戲曰悼

悼憐愛也

神農炎帝子柱七歲有聖德周歷名山辨其百草

鄒陵志

中央黃老君太上太微天帝君之弟子也以混皇二年始生焉年七歲乃

知長生之要天仙之法仍眇綸上思欽納真元於是大上授九真之訣

人道秘言施修行道為太極真人

雲笈七籤

甘羅曰項橐七歲為孔子師

史記

漢武帝名吉七歲聖徹過人景帝令改名徹

編年考

漢昭帝小字弗陵七歲形體壯大上奇愛之使黃門畫周公負成王朝諸

侯以賜霍公輔之

編年考

漢東方之客曰無閭生七歲而雋讀書於無閭之岳容若處女東人皆以

為玉鼻也韓王好淮南之學蓋遇無閭生

黃憲外史

瞿武年七歲絕粒服黃精紫芝入我眉山天竺真人授以真訣後乘白龍

飛去

列仙傳

馬續字季則融兄七歲能通論語

後漢書



張道陵字輔漢年七歲通道德經天文地理河洛圖緯之書本傳

吳猛年七歲時夏日伏於親床上恐蚊蚋及其父母孝子傳

張霸字伯饒七歲通春秋後欲進餘經父母曰汝小未能也霸曰我饒爲

之故字曰饒焉博覽五經鄉人號爲張曾子和帝召爲侍中漢書又

山堂肆考載張賀孫霸年七歲弄散騎中郎將贈爵關內侯

張磐字子石爲廬江太守潯陽令餉一奩柑其子年七歲就取一枚磐奪

付外卒私以兩枚與兒磐鞭卒曰何故行賄於吾子謝承後漢書

張遐字子遠餘汴人七歲日記萬言豫章書

宿倉舒自賣與王氏得大麥九斛以養母絕七歲後官至上黨太守見世

黃琬字子琰幼即辨慧建和中嘗日食京師不見琬祖太尉瓊也香子以狀

聞太后詔問所食多少太尉思其對而未知所况琬年七歲在側曰何

不言日食之餘如月之初范曄後又琬七歲時司徒盛允有疾瓊遣

琬候問會江夏上蠻賊事於司徒府允發書視畢微戲子琰曰江夏大

邦而蠻多士少子琰奉手對曰蠻夷滑夏責在司徒因拂衣辭去世說



陳太邱與友期行日中過中不至太邱舍去去後乃至元方時年七歲門外戲客問元方尊君在不答曰待君久不至已去友人怒曰非人哉與人期行相委而去元方曰君與家君期日中日中不至則是不信對子罵父則是無禮友人慚下車引之元方竟入門不顧

世說

常林七歲父黨造門問曰伯先在否何不拜林曰對子字父何拜之有

鍾會七歲誦論語

裴松之三國志註

荀攸年七八歲父衢曾醉悞傷其耳而攸出入遊戲常避父護不欲令衢

見也攸之夙智如此

魏書

夏侯勞字幼權淵子也七歲能屬文誦書日千言經目輒識之魏文帝聞而請焉賓客百餘人人奏一刺悉書其鄉邑名氏世所謂爵里志也客示之一寓目使之遍談不謬一人帝大奇之

晉書作夏侯榮事

何晏年七歲明慧若神魏武帝愛之因晏在宮內欲以爲子晏乃畫地合方自處其中人問其故曰何氏之廬也魏武知之卽遣還

世說

徐平字伯元童齒知名虞翻甚愛之

浙江通志



荀羨年七歲，蘓峻亂，羨隨父在石頭，峻愛之，置膝上，羨還謂母曰：「得一利。」

刀子足以殺賊，母卽以掩其口。」世說

司空顧和與時賢共清言，張玄之顧敷是中外孫，年並七歲，在床邊戲，於時聞語神情若不相屬，瞑於燈下，二兒共聚王客之言，都無遺失。顧公越席而提其耳曰：「不意袁宗復生此兒。」世說

張玄之顧敷皆少而聰慧，和並知之，而嘗謂顧勝親重，偏至張頗不厭於

時，張年九歲。

年與上祗猶以皆出世說不敢妄易

顧年七歲，和嘗俱至寺中，見佛殿泥洹

像，弟子有泣者，有不泣者，和以問二孫。玄之謂被故親故泣，不被親故

不泣，敷曰：「不然，當由忘情。」故不泣，不能忘情，故泣。」世說

王承字安期，七歲通易，選補國子生。

山堂肆考

王戎字濬仲，年七歲嘗與諸兒遊，矚看道邊李樹，有子諸小兒競走之，惟

戎不動，問之曰：「樹在道邊而多子，此必苦李。」取之信然。」世說

又戎年七

歲，文帝曰：「此子有食牛之氣，人間之虎豹也。」又戎神采秀徹，目視日

不眩，魏明帝於宣武場上斷虎爪牙，縱百姓觀之。王戎七歲亦往觀，虎



不貽魏明帝於宣武場上斷虎爪牙縱自射觀之王戎七歲亦從觀

攀欄而吼其聲震地觀者無不辟易顛僕戎湛然不動了無恐色謝奕作剡令有老翁犯法謝以醇酒罰之乃至過醉而猶未亡太傅也時  
年七歲着青皮袴在兄膝邊坐諫曰阿兄老翁可念何可作此奕於是  
改容曰阿奴欲放去耶遂遣之世說

王羲之七歲善書書斷

褚胤吳人年七歲奕入高品及長冠絕當代五侯七貴

杜曷字叔恭錢塘人年七八歲與時輩北郭戲有父老曰此童子有不凡

之相事後母至孝有聞鄉郡三禮命仕不就後得張鎮南傳道雲笈

孫盛為庾公記室參軍從獵將其二兒俱行庾公不知忽於獵場見齊莊

時莊年七八歲庾曰君亦復來耶答曰所謂無小無大從公於邁世說

孫盛子放年七歲庾翼子爰客曰諸孫大盛放曰未若諸庾翼翼韻府

桓溫七歲日誦千言類書纂要

辛攀字懷遠與兄鑒曠弟寶迅皆以才識著名諺曰三龍一門金友玉昆

攀年七歲隨父在京師北地程曉咲曰犂牛驂犢孺子之調攀曰戲及



人親非雅馴也。燒及賓客皆大奇之。晉官大鴻臚使涼留之。十六國春秋

王懿與兄叡同起義兵，與慕容垂戰敗，懿重創走失路，經大澤困憊臥林。中忽一小兒青衣，可七八歲，見懿驚曰：「漢已食未？」懿言饑，小兒去須臾得飯與之。懿食畢，欲行，會暴雨，江津莫知津徑，忽一白狼至前，仰天而號，號訖銜懿衣，因渡水。懿隨之，得濟。與兄叡相及，宋武受命以懿為徐州刺史。懿於彭城立佛寺，作白狼童子像於塔中。徐州志

鳩摩羅什在胎，其母慧解，倍常及年七歲，母遂與俱出家。羅什從師受經，日誦千偈，偈有三十二個，凡三萬二千言，義亦自通。年十二，其母携到沙勒國，王甚重之，遂停沙勒一年。晉書

釋僧旻，姓孫氏，吳大帝之後也。七歲出家，虎邱之西寺為僧。迴弟子從之，受五經，過目能記。張辨戲謂之曰：「沙彌何姓？」家任何處？」曰：「貧道姓釋家，於此山辨甚異之。」虎邱志

劉孺，七歲，屬文。叔父填常置座側，謂賓客曰：「此吾家明珠。」宋書

王僧達，幼聰敏。祖弘為揚州時，僧達七歲，遇有辯訟者，竊覽其辭，謂為有。



王僧達幼聰敏祖私為揚州時僧達七歲遇有舊

理及訟者進弘意其小留左右僧達為申理暗誦不失一句文帝聞僧達早慧召見德陽殿應對閑敏上甚嘉之妻以臨川王義慶女編年考

王僧孺幼聰慧穎異性極孝年七歲能讀十萬言及長善屬文工楷隸多

識古事仕南齊累官中書侍郎萬姓統譜

謝莊字希夷弘微子七歲能屬文宋文帝見之曰藍田生玉豈虛也哉誅

謝藩一作謝儵字義潔胎弟也七歲能文王景文言於宋孝武召見舉止閑雅

應對合旨帝悅褚彥回以女妻之厚為資送類書纂要

阮孝緒字士宗父彥之以清幹流譽孝緒年七歲出繼從伯胤之胤之母

周氏遺財百餘萬應歸孝緒一無所納南史

晉安王子懋字雲昌武帝子也年七歲時母阮淑媛常病危篤請僧行道

有獻蓮花供佛者眾僧以銅甕盛水花更鮮子懋流涕禮佛誓曰若使

阿姨護佑願花竟齋如故七日齋畢花更鮮紅看視甕中稍有根鬚阮

病尋差世稱其孝感吳筠齋春秋

齊宣都王鑑初出閣時年七歲陶弘景為侍讀甚相接遇後弘景隱山忽



夢鑑來惓然言別云某日命過無罪後三年當生某家弘景遣信出都

叅訪果與事符弘景因以著夢記云

南史

蕭恢字弘達文帝第十子幼聰敏七歲能通孝經論語義發摘無遺及長

美風儀涉獵史籍天監初封番陽王

萬姓譜

庾於陵字子文黔婁第七歲能言立理及長清警博學有才思爲齊隋王

子隆主簿梁累官至鴻臚卿

荊州府志

謝貞字元正陳郡人幼敏有至性祖母苦風眩每發不能食貞年時七歲

亦不食親族奇之

萬姓統譜

寶誌公年七歲依鍾山出家

類書纂要

梁簡文自謂七歲有詩癖長而不倦

梁書

陳昕字君章七歲能騎射

萬姓統譜

伏挺字士標恒子幼敏悟七歲通孝經論語及長博學有才思任昉見之

曰此子日下無雙武帝至新村挺迎謁帝見之甚悅謂之顏子除南臺

侍書郎史萬姓統譜



侍書御史萬姓

蕭洽字宏稱幼敏悟年七歲誦楚辭略上口及長好學博涉善屬文南史

蕭遙欣字重暉封曲江公七歲出齋時有左右小兒善彈飛鳥無不應弦

墜落遙欣謂曰凡戲多端何意此彈此鳥自空中翔飛何關人事左右

感其言遂不復彈焉編年考

劉孝綽七歲能屬文舅王融深異之嘗曰天下文章無我當歸阿士後遷

長史梁武嘗曰天下第一官當用第一人蓋謂孝綽也南史

張象中字拱辰白玉蟾贊曰仁皇恩賜紫衣時方是寧馨七歲兒閒把洞

章歌一闕不知為鶴滿天飛自真人集

王筠字元禮七歲能屬文尚書令沈約為當時詞宗見筠文必咨嗟咏吟

以為己作不逮嘗作草木十詠書于約郊居之壁不加篇題宜和書譜

徐洪字彥伯以字顯七歲能文結廬太行山下薛元超按撫河北表其賢

對策高第調蒲州司兵叅軍時司戶常璩善判司士李亘工書而伯彥

善屬辭稱河東三絕北史

裴讖之字士平七歲便勤學早知名累遷司徒主簿雖年少不妄交遊惟



與辛術李繪李構崔瞻為忘年交悉歷代故事儀注喪禮皆為裁正為

許昌太守百姓懷之

萬姓統譜

高洋七歲聰明果決貌若愚訥父歡每異之嘗使諸子各治亂絲洋獨拙

刀斬之曰亂者必斬歡曰此兒識慮過父也後封太原公

編年考

虞義字子陽會稽人七歲能文後為記室叅軍

文選李善注

顧野王字希鴻七歲讀五經

山堂肆考

明山賓字孝若僧紹子七歲能言立理

梁書

陸玄字士覽入關時年七歲仕齊為奉朝請成平縣令

北史

裴俠字嵩和年七歲不能言後于洛城見羣鳥蔽天舉手指之而言從此

聰慧異於常童為郡守清慎號獨立使君後用進爵為公

北魏志

邵茂字蔚之七歲誦騷雅日千餘言

北史

王貞字孝逸年七歲能屬文隋開皇時齊王陳以書召之曰山藏美玉光

照廊廡之間地蘊神劍氣浮星漢之表貞謝啟曰學無半古才不過人

枉高車以載人辱明珠之彈雀

姓氏統譜



枉高車以載人辱明珠之賜

李禮成七歲姑曰此兒平生未嘗回顧必為重器五侯鯖

傳繹七歲能讀古詩賦至十萬餘言後仕陳為秘書監通事舍人掌詔誥

下筆輒成未嘗起草事文類聚

吾七歲時誦靈官殿賦至於今日十年一理猶不遺忘二十之外所誦經

書一月廢置至荒蕪矣然人有坎塹失於盛年猶當晚學頤之推顏

盧太翼本姓章仇氏七歲日誦數千言州里號曰神童既長博綜羣書尤

善占候隱林慮山中受業者自遠而來隋文帝將避暑仁壽宮太翼固

諫帝怒將斬之及疾將崩命太子釋之煬帝即位賜姓盧氏其所言天

下事無不應驗一統志

崔頤字太冲七歲能屬文開皇初射策高第與諸儒定禮樂授協律郎萬

姓統譜

黎陽王德祖有林檎樹生瘻太如斗三年瘻爛德祖去其皮見其孩兒抱

胎而出七歲能語問誰育我祖以實告曰名梵天復改為志蓋菩薩化

身也桂苑叢談



王遠知七歲日覽萬言博極羣書十五入華陽洞事陶貞白

良常仙記

梁彥先烏氏人七歲時父遇篤疾藥用紫石英求不得彥先憂瘁忽于園中見一物不識持歸則紫石英也唐高祖時岐州刺史有惠政轉相州

發奸摘伏如神

萬姓統譜

孫思邈七歲日誦萬言獨孤信見之曰此聖童也

列仙傳

賈嘉隱年七歲以神童召見時太尉長孫無忌司徒李勣於朝堂立語戲

謂嘉隱曰吾所倚者何樹對曰此松樹勣曰此槐也何忽言松對曰以木配公則爲松耳無忌連問之曰吾所倚者何樹嘉隱曰槐樹無忌曰汝不能復矯對嘉隱應聲曰何須矯對但取其以鬼配木耳勣曰此小兒佯獠面何得如此聰明嘉隱又應聲曰胡面尚爲宰相獠面何廢聰明以勣狀貌類胡也

大唐新語

呂方發呂才子也七歲能誦經太宗聞其敏召見奇之賜束帛長爲右衛

鎧曹叅軍

唐書

裴敬爰七歲

八歲

能文章性謹敏宗族重之號甘露項

唐書



李百藥字重規七歲能屬文時中書舍人陸父常過其父德林客有誦徐陵文刈瑯琊之稻坐客不識百藥曰左傳鄙人藉稻注云鄆國在瑯琊開國縣人皆服其機穎貞觀中拜散騎常侍

世說

李安期百藥子亦七歲能文父貶桂州遇盜安期跪泣請代盜哀釋之後官檢校東西臺三品謚曰烈自德林至安期三世掌制誥孫義仲又爲中書舍人

朱祁唐書

高定小字董二年七歲讀書至牧誓問父高郢柰何以臣弑君郢曰順天應人耳又問用命賞於祖不用命戮於社豈是順人父不能對長通王氏易爲圖合八出上圓下方合則重轉則演七轉而六十四卦六甲八節脩焉仕至京兆府叅軍

唐書

任敬臣字希古七歲問父英曰若何可以報親父曰揚名顯親乃刻志從

學虞世南甚器之官私文館學士

類書纂要

駱賓王七歲能賦詩

朱祁唐書

張九齡七歲能文千秋節獻金鑑錄

韵府



蘇頲七歲父未之奇嘗處馬廐中偶見其崑崙奴詩云指頭十挺墨耳朶

兩張匙又合作兎詩始加愛異

編年考

劉晏字士安七歲舉神童爲正字

類書

明皇雜錄作八歲

蔣義字德源義興人七歲見庾信哀江南賦再讀輒不忘從外祖吳鏡學

博覽強記有史才父蔣明在集賢白宰相張說引義入院整比圖籍得

二萬卷德宗以凌煙閣左壁文漫剝召問義曰此聖歷中侍臣圖贊口

誦不失一字帝嘆異又問神策置軍本末條對甚詳判集賢院父子並

爲學士儒者榮之五子孫紳偕尤知名

萬花谷

壽王瑁七歲請與諸兄衆謝拜舞有儀矩玄宗異之

唐書

元希聲河南人七歲善屬文舉進上

全唐詩

王助年七歲喪母哀號隣里爲之涕泣

文苑

杜甫壯遊詩曰七齡思卽壯開口詠鳳皇

杜于美年譜

甫數上賦誦高自稱

道自七歲屬辭且四十年

唐書

葉法喜字道元七歲涉江三年不返人問其故云二青童引我飲雲漿旣



長道成居卯山忽有老叟詣門曰我東海龍也上帝勅主八海之寶有  
幻僧于海畔晝夜禁呪積三十年海將涸統天鎮海之寶必爲所取乞  
救之法喜乃勅丹符飛往有頃海水復舊幻僧媿嘆赴海死明日叟輦  
奇寶來報法喜辭之曰此山缺水但得一泉足矣及明館側一泉迸出  
每旦夕有二魚黑浮水面人不能舉蓋其泉與海通故也中秋魯引玄  
宗遊月宮開元中授金紫光祿大夫越州都督

處州府志

賈昌生七歲矯捷過人能博柱乘梁善應對解鳥語音

陳鴻祖東城父老傳

李華七歲誦數經

山堂肆考

南承嗣顓邱人霽雲之子七歲授婺州別駕歷施州刺史柳宗元稱其服

忠思孝無替負荷轉涪州

萬姓統譜

李泌字長源七歲賦奕

韞

泌爲張九齡所獎愛嘗引至臥內九齡與嚴

挺之蕭誠善挺之惡誠佞勸謝絕之九齡忽獨念曰嚴太苦勁蕭軟美  
可喜方命左右召蕭泌在旁曰公起布衣以直道至宰相而喜軟美者  
乎九齡改容謝之因呼爲小友

山堂肆考



王建贈司空神童詩杏花壇上受書時不廢中庭趁蝶飛暗寫五經收部  
跌初年七歲着衫衣秋堂白髮先生別古巷青襟舊伴歸獨向鳳城持

薦表萬人叢裡有光輝

全唐詩

房孺復琯之子七歲郎解綴文歷官杭辰兩州刺史

全唐詩

賴棐字忱甫雋都人七歲能文弱冠通九經百家乾元中舉進士拜崇文

館校書郎不就退居田里人稱其居曰秘書里

萬姓統譜

會通禪師唐德宗時為六宮使春時見昭陽宮華卉敷榮玩久之倏聞空

中有聲曰虛壤之相開謝不停能壤善根仁者安可嗜之謁烏窠師啟

曰弟子七歲蔬食十一受五戒今年二十有二為出家故休官問答甚

多烏窠郎與披髮剃具戒書夜精進尋固辭遊方烏窠以布毛示之悟

時謂布毛侍者

武林梵志

先汪合江人年七歲日誦萬言貞元中舉孝廉尋退安居安樂山講九經

萬姓統譜

韓愈年七歲知讀書日誦千百言

萬姓統譜

墓志云先生七歲好學言出成



文又感二鳥賦序讀書著文自七歲至今凡二十二年

元微之別毅郎詩爾爺只爲一杯酒此別那知死與生兒有何臯才七歲

亦教兒作瘴江行

元微之長慶集

白居易詩吾雛名阿羅阿羅才七齡嗟吾不才子憐爾無弟兄撫養雖驕

騷性識頗聰明學母畫眉樣效吾咏新聲

白居易長慶集

白居易觀兒戲詩齡齡七八歲綺紈三四兒

佩文韻府

李賀年七歲名動京師韓愈皇甫湜覽其文曰若是古人吾曾不知若是

今人豈有不知之理因詣其門賀總角荷衣而出二公合面賦援筆輒

就如宿構目曰高軒過

王保定據言

李聽晟子也七歲以蔭爲協律郎父吏少之不甚敬聽輒使鞭之晟奇其

才討王承宗斬賊驍將憲宗壯之詔圖狀以獻累官至邠陽節度太子

太保

唐書

楊巨源贈司徒童子詩衛多君子魯多儒七歲開天咲舞雩光彩春風初

轉蕙性靈秋水不藏珠兩經在口知名小百拜垂髫秉氣妹况復元侯



旌爾善桂林枝上得駕雛全唐詩

元載七歲左手畫圓右手畫方口誦經史日數群羊兼呈四十字詩一時而就呈書五言絕六事齊舉號為神仙童子編年考

常溫字弘育七歲日誦書數千言宋祁唐書

鄭谷字若愚七歲能詩司空圖奇之曰一代騷雅雛字又卷末題詩云

七歲侍行湖外去岳陽樓上敢題詩

杜荀鶴字彥之父牧嘗鎮秋浦妾有孕妻逐之乃嫁杜筠而生荀鶴七歲

或令業農荀鶴怒曰吾豈耕墾耶比長以能詩名官翰林學士姓氏

貫休字德隱姓姜氏七歲出家日讀經書千字過目不忘既精奧義詩亦

奇險全唐詩

少康母羅氏夢青蓮花而妊及生青光滿室香如芙蕖七歲未言母抱入

靈山寺瞻佛像忽曰釋迦佛問者異之十五出家浙江通志

馮履謙七歲讀書數萬言大唐新語

唐末吳處士有子七歲能吟詩贈隱者曰掃葉隨風便澆花趁日陰處士



方于聞之曰此兒他日必垂名又吟夏日詩云閒雲生不雨病葉落非秋于曰惜哉必不享壽果然宋唐遺史

滿佑及生七歲始能語曰兒誤傷白龍爲上帝所罰因吟曰朝遊滄海東

暮歸何太速祇因騎折白龍腰謫向人間三十六後果三十六歲唐書

行修號性真生而長耳垂肩異香滿室七歲猶不言或問曰瘡乎忽應曰

不遇佗家徒撞破烟樓耳十國春秋

永明壽字智覺七歲誦法華五行俱下群羊跪聽浙江通志

曾文照新淦人七歲應南唐童子科擢第三李氏歸宋爲永城令上疏論

辨利害遷蒙城蝗不入境西江志

李三禮七歲知孝親不豫叩天乞愈及壯授廣東經歷堅不赴親最去

謬以他故返父病湯藥必躬呼天求代不起廬墓側泣淚漬土兵憲胡

公旌曰修身慕親徐州志

袁逢吉字延之七歲兼通論語尚書開寶中擢三傳第累官鴻臚少卿性

修謹鍊達時務萬姓統譜



郭忠恕字恕先少善屬文通九經七歲舉神童漢湘陰公辟從事與董喬

爭事謝去後又與符昭爭忿朝堂貶乾州司戶

蘇文忠集

李宗諤字昌武昉第三子七歲能文恥以父任得官獨由鄉舉進士第官

翰林學士爲人風流儒雅內行淳至事繼母以孝聞與弟宗諒友愛所

著有文集

宋史

廖執象順昌人七歲能詩甫冠入京師赴省試太宗覽其文而喜之以疾

卒朝野惜之初陳搏見之曰子謫仙人也第不久留塵世耳有文集十

卷

萬姓統譜

种放字明逸七歲能屬文與其母隱于終南山豹林谷結茅爲廬博通經

史士大夫多從之學得束修以養著蒙書十卷人多傳之淳化中詔起

之母恚曰常教汝勿講學今爲人所知我當棄汝入深山矣放遽辭疾

不應召盡焚其筆硯上亦不强致而命京兆府時存問之

隆平集

賈黃中七歲能屬文觸類賦咏父恒食之蔬食曰俟業成乃得食肉

宋史

劉溫叟字永齡七歲能文復善楷隸

弘簡錄



和峴字晦仁凝子七歲陰干牛脩身選著作佐郎

並簡錄

張昭字潛夫七歲能誦古樂府詠史詩甫冠徧覽九經盡通其義自以爲

馬鄭不如也遇程生專攻史學因出班馬范書五七年間注十代興亡

論宋乾德元年拜禮部尚書

宋書

錢延年若水子甫七歲錄奉禮郎後獻文賜進士出身歷太常博士

鉅簡

賈文元唐丞相耽之遠孫七歲童子賜第李文賀贈詩云七歲神童古所

難賈家門戶有衣冠一人科第排頭上五部經書誦舌端見榜不知名

字貴登筵未識管絃歡從茲穩上青雲路萬里誰能測羽翰太平興國

中叅大政

王壺清語

李太后始入掖庭才十餘年惟有一弟七歲太后臨別手結刻線盤囊與

之拊背泣曰汝雖淪落顛沛不可失此囊異時訪汝以此爲物色也後

傭於鑿紙錢家一日燭下不可救爲紙家棄於道左有內院子見而憐

之收養於家怪其衣百結而得懸帶盤囊因問之以實告院子驚異遂

解其囊白太后是時后封宸妃遂白眞宗官之爲右班殿直所謂李用



和也後領節鉞贈隴西郡王世所謂李國舅者是也

魏泰東軒筆錄

王禹偁字元之七歲能文家以磨麪爲生畢文簡公令作磨詩不思以對但存心理正何愁眼下遲得人輕借力便是轉身時黜堂又事文類聚載七八歲時太子席上出句云鸚鵡能言爭似鳳王曰蜘蛛雖巧不如蠶公嘆息其經緯之才呼爲小友

楊大年七歲善屬文

東都事略

山堂肆考載七歲對客談論有老成風

國

晏殊七歲知學問爲文章鄉里號神童丞相張知白薦之得召試詩賦公

啟曰臣常私習此賦不敢隱真宗益嘆異之因試以他題使爲秘書省

正字置之秘閣使得悉讀秘書富弼楊察皆殊壻也范仲淹歐陽修韓

琦孔道輔皆出其門謚元獻

碑銘

唐詢字彥猷七歲能誦五經錢俶聞其名而慕之天聖中獻文賜及第誅

李肅字季雍七歲誦書知大義爲詩往往有警語登甲科歷漢博二州從

事

引簡錄

崔遵度七歲好學受經于叔父憲嘗以春秋編年史漢紀傳之例爲則憲



奇之曰此子必成令器仁宗朝爲吏部郎著有琴箋文集

朱書

鄭榮字光遠幼聰敏有才思力學不厭七歲能綴文天禧三年登第大聖

初奉使契丹嚴毅威重虜深憚之使回真宗曰使於四方不辱君命今

其人矣

萬姓統譜

麻仲英七歲能詩以親之祿不及養不復肯仕博學有行鄉里推服雖凶

年盜不入其家韓富二公守青州致書備薦其行誼召爲國子助教東

方學者咸尊師之

萬姓統譜

李清臣魏人少孤事母盡孝七歲知讀書日數千言暫經目輒誦登皇祐

進士歐陽壯其文比蘓軾歷官尚書門下侍郎徽宗欲息朋黨清臣與

執政者協輔上意爲曾布所陷出知大名府著有淇水集

萬姓統譜

胡瑗字翼之海陵人七歲善屬文

闕里志

謝景初少奇俊七歲能屬文

范忠宣公集

朱壽昌生七歲父守雍州出其母錢氏嫁民間母子不相知者五十年壽

昌行四方求之不已飲食罕御酒肉與人言輒流涕熙寧初棄官入秦



與家人訣誓不見母不復還行次同州得焉劉氏年七十餘矣雍守錢

明逸以事聞詔壽昌還就官由是天下皆知其孝

小學

李珣子珣年七歲夢王母宴羣仙舞者着研光帽帽上簪花舞山香曲

未終百花盡落

輒記

又寇元弼嘗言徐州通判李珣有子七歲素不

善詩忽咏落花詩云流水難窮目斜陽易斷腸誰同研光帽一曲舞山

香父驚問之答曰西王母宴羣仙云云

伍含芬說詩樂趣

蘇軾字子瞻七歲已知讀書按先生上韓魏公梅丘讀書云自七八歲知

讀書又洞仙歌自序云僕七歲時見眉州老尼姓朱年九十餘能知益

和宮中事

王宗稷東坡先生年譜

孫伴字少述七歲能屬文既長多所論撰與王安石曾鞏游知名江淮間

少許可不安嬉笑所居人罕識其面雖比鄰不與通作為詩文嚴勁簡

古嘗舉進士不中以母疾終身不求仕進

揚州府志

思聰七歲善彈琴十二捨琴而學書十五捨書而學詩詩有奇語雲咽蕊

瓏珠璣的皪識者以為畫詩之流

蘇子瞻送僧思聰歸孤山序



唐翊字浙師山陰人七齡日誦千言

萬姓統譜

晁補之七歲能屬文王安國見而奇之嘗著雞肋集一百卷

山堂肆考

練字甫字葆先七歲能屬文

萬姓統譜

唐肅錢塘人七歲誦五經登進士爲泰州司理有人夜宿逆旅而同宿者殺人亡去且起血汚其衣爲吏所執不能明遂誣服肅白其冤數日果得真殺人者官至龍圖待制

萬姓統譜

司馬光字君實自兒童凜然如成人七歲聞講左氏春秋大愛之退爲家

人講郎了其大義自是手不釋卷至不知饑渴寒暑

東坡集

賈言忠數歲記諷書一日萬言七歲神童擢第事親以孝聞遷監察御史

時有事遼海委以度支軍糧遷侍御史高宗幸遼東言忠奏遼可平畫

其山川地勢皆如目見又論諸將才略高宗納之累遷吏部員外郎

山谷七歲東坡稱爲超軼絕塵孤立萬物之表又七歲時作牧童詩曰騎

牛遠遠過前村吹笛風斜隔隴聞多少長安名利客機關用盡不如君

桐江詩話



胡安國字康侯年七歲爲小詩有曰任以文章道德之句

行狀

鄭修蓬州人年七歲日誦萬言游太學登元祐進士知梁州

萬姓統譜

王璧字子潤生而穎異七歲日誦千言一過輒不忘宣和中進士第後博

學宏詞首冠其選

萬姓統譜

史蒙卿字景正七歲能屬文十二入國子學通周禮春秋益善詞賦從楊

龜山學得聞心傳人稱果齋先生號清淨處士

鄆縣志

孫觀字仲益相傳東坡南遷時一妾有娠不得偕往出嫁孫氏北歸覓之

則仲益生七歲矣遂命名曰觀謂賣兒也後官至尚書東坡歸互與時

道由無錫洛社嘗至孫仲益家仲益年在髫髻坡曰孺子習何藝孫曰

學對坡曰試對衡門稚子璫璣器孫應聲云翰苑神仙錦繡腸坡撫其

背曰真璫璣器也

編年考

席旦字晉仲河南人七歲能詩登沉黎嶺得句警拔觀者驚異元豐中舉

進士未奏名上書言戰守事神宗嘉納令廷試賜第累官吏部侍郎至

述古殿大學士

類書纂要



徐俯字思川懷竒負氣七歲能詩爲其舅山谷所

萬姓統譜

司馬村字文季育千外祖范純仁紹聖初范責永

州日疾失明客至必令

村道以見時方七歲進揖應對如成人客皆驚

異事文類聚

邵康節七歲戲于庭蟻穴中別見天日往來

本傳

謝絳字希聲七歲通孝經

蘇州府志

襄陽侯子趙世開七八歲日誦萬言既長學問該洽事後母孝撫孤姪如

己子宮官吳申薦其學行命試學士院神宗褒異之

弘簡錄

楊徹字晏如幼聰警七歲讀春秋傳曉大義宰相李穀召令默誦無遺甚

異之

宋書

楊察字隱甫七歲能文復善楷隸

弘簡錄

宋翔字子飛幼穎敏七歲時劉子翬命賦燈詩援筆立成耿耿照幽房焚

檠鶴焰長苦年江上女曾到乞餘光大爲稱賞紹興中第進士國子監

簿受知張浚爲浚十客之一以朝議大夫致仕有梅谷集

萬姓統譜

李南壽字元衡龍泉人時七歲有籠鶴而飛者父命以衝天鶴勢高卽曰



出洞龍頭聳父太奇之

處州府志

劉一止字行簡七歲能文及長博學無不通登第李昉薦為詳定勅令

宋

趙不愚字仁仲父士園隨駕北遷不愚方七歲每思慕泣涕既長力學母

曹氏問之對曰君父仇未報未敢志富貴也

弘簡錄

伍文仲字仲成寧化人正己五世孫七歲能屬文目為神童

萬姓統譜

莊大成永樂人年七歲通書經紹興間舉童子科淳熙中舉賢良有司以

大成應詔

萬姓統譜

王十朋贈童予大成日誦千言七歲兒方員動靜早能知還家更讀韓

公序罷業他年必大奇

王忠文公集

虞允文仁壽人七歲能文紹興間進士累官學士金人入寇允文為督視

府參謀激諸將力戰敗金人于采石孝宗朝拜相封雍國公謚忠肅著

詩文奏議數十卷

萬姓統譜

豐誼字叔賈七歲能屬文紹興十一年有詔褒其父治之忠補將仕郎監

潭州南岳廟歷知常台饒衢皆有惠政

詔興府志

陸持之字百微九淵子七歲能爲文九淵教授象山之上學者數百人

未達者持之爲敷繹之著書十篇名懃說歷官至浙西安撫使

賈姓譜

陳俊卿字應求生而莊重不妄言笑七八歲自知爲學長益刻厲

朱全

項世安字平市松陽人七歲能賦詩長治春秋教授朱文公嘗薦爲諫官

試館職除秘書正字屢上書直諫累官龍圖閣慶元初坐黨籍罷

處州府志

賀德英湘鄉人七歲能文淳熙間父以訟繫獄乃詣縣自乞廷試以贖父

罪所習對以通詩春秋論語孟策與詩賦各出一題援筆立就遂薦

於朝與金起嚴同試德英第一

湘鄉縣志

陳舜中字宗謨七歲能屬文淳熙間舉進士歷衡陽教授累知漳浦有惠

政入爲侍郎直而不計上皆嘉納之舜申以學問淑後進以行義率鄉

里以節操立朝廷以義方訓子孫著述甚多

禹姓統譜

王吉水人七歲孝宗召問童子何業對曰能誦書卽誦無逸篇上

授廸功郎父幸謝賜宴以父子不可同席命設珠簾隔之宴罷卽賜

宋史



蔣繼周字世修青田人七歲賦牧童詩有回首一聲笛斜陽遠半山之句

甫冠登紹興進士論事劄切孝宗曰卿文大妙陸贄郎擢言路知無不

言累至少師謚文恭

處州府志

倪千里字起萬七歲能默誦九經諸子入上庠學者宗之淳熙進士擢御

史

蘇州府志

仇繼祿字承龍七歲舉神童乾道間以賢良試禮部授將作監丞父艱廬

墓不出者十年孝宗命為司諫與權臣牴牾而去魏了翁志其墓

紹興志

權邦彥字朝美七歲能毛詩

一統志

高正夫安福人七歲通五經寧宗召試寶慈宮賜衣綬除正字說書尚豫

公

吉安府志

午字正子一名端禮慈谿人生有異質七歲學小戴禮輒能言去領

邑大夫葉汝明面試中庸首章及牧愛堂詩秋水出芙蓉賦皆援筆

葉大驚異乃大書神童蒙三字以旌之

寧波府志

子伯虎子謹孫也七歲時聞祖子謹誦靖節南山詩極竦聽若有

所得于謹大異之授茂名尉不忍去親側遂不仕適意賦詩遂有物外之趣

萬姓統譜

孫守榮富陽人七歲病瞽遇異人授以風角易占之術其法以音律推五數備五行測度萬物始終盛衰之理守榮既悟授以鉄笛即去守榮因號富春子吹笛於市其術率驗周坦未第時坐市肆厲聲詬僕榮揖曰狀元何怒也坦不答廷試果然或持金玉請辨摩挲之頃美惡立判又嘗謁史嵩之閣者辭以晝寢守榮曰丞相方釣魚園池閣者驚異曰白丞相見之甚喜一日庭鵲噪令占之曰來日晡時有寶王至明日李全果以玉斧貢嵩之

富陽縣志

孫立節寧都人七歲能詩學問淹貫

一統志

鄧輪字伯衡理宗朝甫七歲舉神童科十七登第授黃梅主簿陞江西運

幹所在有政聲

人物志

王庠夢易子七歲能屬文早喪父哀憤浹切與弟序閉戶窮經期復父官未幾制科罷庠曰無愧先訓足矣以弟序升朝贈父官後復舉八行不



就賜號處士

萬姓統譜

洪大有七歲能文善書逆爲陰晴風雨四種放情山水時稱高古

蘄州府志

潘履孫友恭之

丁也年七歲侍立王父湖南公之旁見其視聽專一而進趨有度

朱子全集

蔡癸字神與季通父也自幼警悟七歲卽能爲詩及長博聞強記高簡落

落不與世俗相俯仰

朱子全集

譚昭寶字珍卿茶陵人七歲應童子科中上第其謝啓略曰七歲遠離於膝下九經流出於胷中著卦兼十極之圖逢矢效由基之射童科雖異文解則同破雲州千古之天荒駕月殿升梯之雲路理宗奇之大加稱

賀

茶陵州志

戴顏老字榮之七歲能暗誦五經

萬姓統譜

姚瀛字子山七歲能誦班史

萬姓統譜

錢周材溧陽人質重氣和似不能言七歲能屬文鄉試第一登進士第官

至龍圖學士

一統志

鄧鏐益陽人七歲能文邑令命破白頸烏鴉立破云渾具乎色之玄問具  
乎色之素太極中之一物也以墨命題曰一寸龍香一寸金僊家傳藥  
不傳心從來莫俗尋常看十載文光在翰林長沙府志

李廷价安化人七歲夢黃衣人咒曰汝本逍遙天上客清隨玉帝掌玄機  
只因下越瓊花會流落人間不得歸及長好學善吟不干仕進麟趾

黃鑑七歲不能言其祖喜其風骨之美遇物誨之一日携至池上祖曰水

馬池中走對曰游魚波上浮後任臺閣

李廣靖聞見錄

李端懿字元伯萬壽公王子也七歲授知京使

隆平集

釋慧約生三歲有異凡童惟聚沙爲佛塔壘石爲高坐七歲便求入學卽

誦孝經論語乃至史傳披文見意

桑門片記

柴隨亨龍游人七歲能文長登文天祥榜進士隱居不仕元

衢州府志

朱張恂字宗厚七歲讀經史卽成誦十五能屬文鄉先生稱許之與之賡

唱試有司上選爲省元有聲朝野遷進義校尉車駕避元兵於崖山恂

率舟師勤王力戰多所斬獲會風雨大恂與陸秀夫等同日溺海嘉興府志



文天祥書先人題洞岩觀遺墨後先君作此詩時天祥甫七歲後十五年知觀任道士始有全本以來又越三年復爲軸以相遺先君子天顏冲逸神情簡爽使一日脫人事之累黃冠野服逍遙林下所甘心焉數山耶律蒲魯字乃展幼穎悟好學七歲能誦契丹大字習漢文未十年博通經籍重熙中進士賦詩立就以進帝嘉賞顧左右曰文才如此必不能武事蒲魯奏臣兼習騎射會從獵三矢中三兔帝奇之遼史金制有經童科天會中東平童子劉天驥七歲能誦五經及論語孟子世宗命教養之長淑府志

虞仲文寧遠人七歲能詩萬姓統譜

徒單鑑七歲穎悟絕倫習女直字大定中翰林學士徒單子溫以女直字譯貞觀政要白氏策林史記各書頒行金史

元好問字裕之秀容人七歲能詩爲箕山琴堂等詩禮部趙秉文見之以爲近代無此作於是名震京師五朝詩選

王庭筠字端生末期而識十七字七歲學詩十一歲賦全題史異

麻九疇字知幾七歲能作大字徑數尺號神童章宗召見問汝入宮殿中亦懼怯否對曰君臣父子也子寧懼父耶上大奇之仕金爲太常博士明昌以來稱神童者五人常添壽劉滋劉徽張漢臣後皆無稱獨九疇能自樹立趙秉文以徵君目之而不名

弘簡錄

蔡珪字正甫丞相松年之子七歲賦菊詩語意驚人天德間進士擢第不赴選調求未見書讀之辨博爲天下第一

五朝詩選

王都中字元俞父積翁仕宋寶章閣學士宋主納土世祖授刑部尚書宣諭日本遇害於海上都中年七歲從其母訴闕下世祖憫之給驛券俾南還賜平江田八千畝宅一區

蘇州府志

許衡字仲平七歲

神道碑八歲

入學授章句輒不忘一日問其師曰讀書欲何

爲師曰應舉取第耳曰如此而已乎師大奇之詣衡父母曰此兒他日必有過人者吾不能爲之師遂去

五朝詩選

戴表元字率初七歲能屬文咸淳中進士爲建寧教授學博而才瞻尤自秘重不妄許與以文章大家名重東南元大德間論薦有剡源集

萬姓統譜



黃清老字子肅邵武人七歲善屬文五朝詩選

李孟生而敏悟七歲能文通貫經史授徒於家遠近爭從之武仁二帝未出閣求名儒有薦者曰布衣李孟有宰相才宜命爲太子師累官平章

事元史

王思誠字致道七歲從師授孝經論語卽成誦家業農其祖曰兒大不教力田反爲此迂儒事耶思誠愈自力學登至紹進士累國子祭酒元史

陳櫟字壽翁七歲通舉子業宋亾科舉廢慨然發憤以爲有功聖門莫如

朱氏之學乃著四書發明數千萬言定宇集

黃庚字星甫天台人自序月屋漫稿曰僕齟齬時習舉子業何暇爲詩自科目不行始得脫屣場屋放浪湖海凡生平豪放之氣盡發爲詩若醺

雞之出甕天坎蛙之出蹠洊而遊江湖也元詩選

胡天游名乘龍以字行別號松竹主人岳之平江人有俊逸才七歲能吟

具作者風力名籍籍一世視伯小子最不輸一筭也傲軒吟藁

吳景奎字文可蘭溪人七歲力學如成人藹房樵唱

陳晉七歲時坐田間有白鷺飛止者士人戲語之曰汝能賦一詩乎應聲曰我在這裡坐爾在那裡歇青天無片雲飛下數點雪稍長聞啼翼甫倡道浙東而原于考亭遂負笈往遊宋亡絕意仕進朝廷三辟不起隱居教授四方及門者歲數百人學者稱石堂先生

元詩選

劉滋字文榮合河人七歲有詩云鶯花新物態日月老天公

編年考

林寬字彥栗七歲能文十歲盡記六經爲崑山王簿

蘇州府志

劉微字伯祥益都人七歲道陵召入宮應制賦春柳云翠細圓勻綠線成

着行排立弄新晴更看三月春風裡散作飛花滿鳳城

編年考

謝德富七歲慕浮屠名真空皇慶初奉旨請師演法大衆咸集升堂受偈

忽法座大放光明良久方滅及示寂白光四達得舍利數顆

一統志

牟仁廬江人有母及兄弟因兵南下爲人所掠仁時年七歲賣汴人李子

安家爲奴力作二十餘年子安憐之遣歸踪跡母及兄弟所在仁至其

鄉遍貸親故歷遍諸家贖之六歲乃得二十餘口復聚孝友甚篤大德

中旌其家

萬姓統譜



馬祖常字伯庸西域人父潤同知章州路家于光州祖常七歲知學延祐

初鄉貢會試皆第一廷試第二授應奉翰林院累官御史大夫

萬姓統譜

彭祖師不知何許人元時以七歲來善化之天台山爲人牧牛植一松上

開九尾時牛不肯歸隨以杖插一孔令之入牛隨入俄而其主尋牛至

山見牛入孔因責之師乃拽之出歲旱師曰以糝噉供我當得水人如

其言卽以杖掘泉水如湧又曰苦蝗重鬼火乃燃一燈於田中以米篩

罩之卽止人以是異之居民日供飯食隨以雙筍插地自誓云我成正

宗此筍復生後果發生楓樹一株中分上合乃於此樹下化去肉身至

今供奉元大德丙午建寺山頂殿左有龍井相傳每五月二十晚井水

湧起洗滌殿宇各省朝謁不絕卽應如響

長沙府志

張正常年七歲隻眸炯炯如巖下電容止異群兒父太玄真人出遊指

雄劍及玉刻陽平治郡功卽曰龍星再集於亥吾兒當持此大振玄風

太玄渡淮化去正常衍道家玄旨學者川赴雲蒸劍失其一流落番陽

李氏家夜生光怪正常訪而合之

史贊泰

陳會豐城人字善同七歲能詩書盈尺字元翰林學士揭傒斯器重之爲

賦奇童詩曰奇童年七八文思靄然生努力師賢聖他年佐盛明楊文

王賓字仲先七八歲入郡校經傳貫串問無不知於醫學尤精不肯與富

貴人醫奉母孝郡守姚善造之語曰勿驚老母踰垣遺出守欲薦之終

不能發言五朝詩選

吳萊字立夫直方子七歲能詩賦族父幼敏家藏多書萊每私取讀之幼

敏偶指一編誦之不遺一字試以他編皆如之遂盡出所藏書使讀之

自是該貫古今四方學者多師之有淵穎集萬姓統譜

袁洪字季源郢人七歲通詩書春秋初父與賈相同名遂退屏居鄉里

戴夢齡青田人岐嶷穎悟七歲如成人爲文操筆立就一日先輩曰項羽

聞楚歌賦多不工童子能之乎夢齡唯唯移時而就客皆驚駭曰此奇

才也有司將以聞于朝父固辭乃止後人因所居之山名神童峰臧志

王堂字維立王良之孫七歲能賦詩長老皆奇之從鄉先生唐處敬讀書

日記千言終身不忘日肆力於古文雖元季兵亂未嘗輟也錄曹各



薛貞生于元季市七歲先大父郎授以四書先公誦習晝夜不輟比十餘

歲皆能暗誦不漏一言

薛瑄汾陰阡表

趙洪字元德臨淄人徙家衡山年七歲以父蔭補承奉郎明年中童子選累官右文殿修撰刑部侍郎至元十五年起爲湖南宣慰使後卒廬處

道銘其墓

衡山縣志

國初崑山夏有諒仲益生七歲夜讀書有感云更殘燭短可微吟周孔遺書海樣深三嘆聖賢無復見只存糟粕在人心友諒自少藻思橫發下筆千言僅十九而沒豈非更殘燭短之識乎

沈周客座新聞

胡翰字仲申金華人自幼志氣異羣兒七歲拾遺鏹道中守不去候遺者至而還之長從吳萊許謙學獲考亭的緒太祖定金陵召編修元史人

稱長山先生

浙江通志

呂誼七歲能文洪武十年舉神童召見讀大誥稱旨授翰林博士

廬江縣志

徐尊生字大年淳安人七歲能詩

通志

庾梓人武岡州人生七八歲眉目如畫資性聰異及長有俊才多異術

洪武乙丑進士知登州有訐虎者梓人命卒持牒入山捕虎卒泣不肯  
行梓人答之更命他卒曰第焚此牒山中虎自來焚牒而虎密邇帖尾  
隨行如城觀者如堵虎至庭下伏不動梓人比責杖之百而舍之虎復  
循故道而去尋爲民告許以爲妖術有詔逮治數月庾死獄中棄其尸  
家人成服忽夜叩門而歸曰吾實逃去死者詐也日與故舊燕遊或泛  
舟不用楫逆水而上以爲樂里人劉氏其怨家也執之白州伍芳請奏  
伍不許遂謁闕告之朝命法官推按未至一日忽失梓人所在但存鉄  
鎖而已劉無以自明竟坐欺罔得重譴而梓人亦不復見矣自號七十  
一峯道人詞翰可觀吳用藏言自制大山歌一紙余嘗見之劉莊編

驛夫小童某幼孤克父代役太祖皇帝一日閱見問曰爾幾歲了對曰七  
歲上曰能作對麼對曰能上曰七歲孩兒當馬驛郎應聲對曰萬年天  
子坐龍庭上大喜蠲其役編年考

卓敬字維恭瑞安人七歲相士曰此兒骨髮殊異必爲名卿惜血不羣色  
耳登洪武年間進士歷官侍郎終於靖難編年考



吳訥字敬德七歲能誦五經父遵爲沅陵主簿被逮至京訥乞自代事未  
白而父卒治喪如禮館于襄城伯李隆家時黃河清李屬訥爲頌其首  
語引天地位萬物育爲言仁廟監國見之悅問隆曰汝武臣孰爲此隆  
曰此臣客吳訥撰也仁廟書訥名於屏院卽位拜監察御史累至都御  
史謚文恪人稱思菴先生

蕪州府志

曾魯字得之七歲能暗誦九經一字不遺以神童舉洪武中修元史蒙金  
帛之賜魯首編禮書歷舉傳記以决是否上幸鍾山撰甘露賦獨見稱  
賞嚴陵徐遵三曰南京有博學之士二人一以筆爲舌一以舌爲筆蓋  
指宋學士濂及公云

河上楮談

麥宗生七歲不學而識文字旁通吐蕃百蠻諸家之書其後麥因潁川侯  
下雲南遣使問道歸附上嘉之賜姓水世授麗江府知府  
列朝小傳  
三水林觀過年七歲遊戲市中以鬻詩自命或戲合咏失氣云視之不見  
名曰希聽之不聞名曰夷不啻若是其口出人皆掩鼻而過之林試神  
童科不甚達

山居隨筆

黃養正瑞安人七歲善書永樂初徵授中書舍人累官太常少卿凡朝廷  
碑刻皆其所書為人謹厚擅名詩畫萬姓統譜

蕭夢得元齋其號也四歲失怙育于母倪夫人七歲夫人使之從師即樂  
學宋文憲公集

解縉吉水人七歲母孀居苦于里胥催徵縉具訴於縣宰併系以詩曰母  
在家中守父憂却教兒子訴原由他年諒有相逢日好把春風判筆頭  
邑宰意其假手於人即指堂邊小松爲題令再賦應聲曰小小青松未  
出欄枝枝葉葉耐霜寒如今正好低頭看他日叅天仰望難宰大奇之  
遂蠲其稅編年考

方孝孺與俞敬德書某六七歲時初入學讀書見書冊中載聖賢名字或  
聖賢良相將形貌卽有願學之心每竊寸紙署其名與同輩諸學子顧  
視而指麾之父兄雖加呵禁不止也遜志齋集

沐誠字擇善七歲通孝經論語長襲武襄爵嫺韜略工吟咏善艸書雲南  
劉崧字子高初名楚泰和人七歲能賦詩洪武三年以人才舉戡郎中終



國子司業

列朝小傳

李莊字敬中懷慶人其父尚太祖長公主拜奕成侯沒王事莊七歲得襲

父爵

編年考

夏景字仲昭七歲能楷書

蕪州府志

馬蕙字彥芳別號蘭齋六歲而孤祖母劉育之聰明過人不與羣兒伍七

歲入鄉間學授讀孝經小學過目即成誦年十三遣入州庠從師訓祝

先生學悉通大義命題屬文援筆立就宣德中進士授上蔡諭嚴立教

條士風爲之不變

徐州志

黃茂祖孫父子俱明經年七歲隨父齋赴試南都魏公聞其善書令書開

國元勲四大字魏公大喜賁予甚厚子導學純行篤學者宗之嘗書于

壁曰十分貧也還裁竹四壁蕭然不賣琴亦足見其高雅之志

徐州志

薛瑄字德溫年七歲端重如成人祖父教以小學四書雖千百言過目成

誦

本傳

郭登字元登武定侯英諸孫也七歲能詩永樂末克勲衛正統中從征木

麓川後從沐彬征騰衝功皆最土木之難守大同也先擁上皇至城下登陴謝郊之景泰元年賊大入力戰破之追奔至栲栳山封定襄伯西涯曰國朝武臣能詩者莫過郭定襄

列朝小傳

于謙字廷益其先河南人後居杭州七歲僧蘭古春善相見而大奇之曰所相人無若此兒者異日救時宰相也

編年考

馬中錫字天祿七歲能賦詩爲文

列朝小傳

汪藻字文潔幼以奇童稱年七歲克弟子員癸解成化乙酉登進士由翰林歷叅政首劾汪誼王越亂政汪開邊釁立西厰章上罷厰貶誼越藻在朝有半班汪之稱居鄉律已正直剛方允爲士表

萬姓統譜

盧濬字希哲分婉之時有雷震聲識者異之七歲能詩善屬對弱冠登成化丁未進士任主事出知黃州甫下車上封事六條皆切中時弊在黃多異績轉南安邵武二郡異政亦如在黃時黃氏有盧濬再來天有眼曹濂不去地無皮之謠

天台縣志

毛澄字憲清崑山人七歲能詩陳武選憶異之妻以甥郎徐夫人也弘治



癸丑狀元累至太子太傅少保謚文簡澄與朱希周顧鼎臣同年入泮  
謁廟大雷雨三人皆以狀元爲名臣人傳異之

蘄州府志

沈應奇字天瑞生七歲能大字以神童科薦憲宗召試命書皇帝字應奇

俯伏奏云書皇帝字乞賜一几上奇之字復稱旨命受中書舍人內閣

萬安奏曰應奇年穉當令讀書不宣使有官遂改送順天府學賜廩餼

後師楊守陳豐熙受易中正德己卯鄉試與修武宗實錄

寧波縣志

范兆祥字延和豐城人七歲作登堯山詩稱神童弘治進士

人物志

鮑倫字孟葵甫七歲父鱗七遊學吳楚不知所向稍長孝養母孫氏朝望

焚香哀禱願父子終相見于是三年忽有老人自慈谿來云汝父與我

客湖廣漢陽東陽贅壻生二女已死矣可歸其襯已而倫至慈谿遍訪

老人不得乃從所指漢陽踪跡之果符其言婦家俱有他意乃訟之官

監司謂疑獄刺面驗骸倫情得伸監司乃弘治進士慈谿顧英也前老

人託言慈谿殆天所啟云

鄞縣志

都穆字元敬吳縣人七歲能詩不習章句杜門爲學二十餘年環堵蕭然

無意進取巡撫何鑑謁吳文定公見穆詞章驚異強之應舉舉弘治乙卯鄉薦己未進士授主事累知太僕少卿致仕

蕪州府志

王文轅字司輿山陰人七歲時拾遺金一鏰坐待失者歸之其人欲舁以半郊弗受讀書多自得不主陳言與時左惟王文成交莫逆文成領南贛文轅語其門人曰陽明此行必立事功問其故曰吾觸之不動矣及文轅沒文成講學時嘆曰安得王司輿復生乎著有茹澹稿尤邃皇極律呂諸書云

紹興府志

江夏吳偉號小仙以畫名世明武宗賜號曰畫狀元童時鬻於人家爲伴讀年七歲便伸紙作小畫一幅題曰白頭一老子騎驢去飲水岸上蹄踏蹄水中嘴對嘴塾師見之大奇然則偉殆天授非人力也

雪濤詩評

張元禎字廷祥南昌人生而靈異比七歲靈獻王召試韵語目爲神童天順進士與時不合引疾去萬歷間謚文裕宸濠慕元禎伺其家居數有餉饋度不可辭笥而藏之即食品必計值以入沒後濠累使問其室孫默捧笥以進稱曰祖遺命愧無一言頌盛德負大王恩啓視纖悉不遺



濠爲之愧服有東白先生集

豫章書

胡翰字川甫餘姚人七歲端重如成人一日問塾師曰學孔孟以何爲入門塾師大異之其從父支湖召語之曰孺子願學乎學在中心以不欺爲主翰唯唯著心箴圖就質于王文成公曰吾小友也

紹興府志

舒芬七歲能詩

編年考

吳文之字與成七歲能屬文讀書日數行下未冠登正德進士選庶吉士

績學工文詞

撫州府志

薛蕙字君采號西原七歲能屬文十二有詩名題三教圖曰斯道有三教

聖心無二天陰陽動靜機活潑一圓圈試問歸何處此理玄之玄登正

德甲戌進士累官至郎中

類書彙要

饒鑒郎叔暘年七歲與兄金俱中神童科人號大小神童

顧與弼饒氏世家記

楊慎字用修七歲能擬古戰場文有曰青樓斷紅粉之魂白日照青苔之

骨時人傳誦以爲淵雲再出

列朝小傳

呂調陽七歲就外傳自指千文律呂句曰茲吾名也因名之少長受易傳

觀史傳爲文奇恣可喜嘉靖乙未廷試一甲第二累至武英殿大學士  
少保謚文簡

廣西通志

李廷松荔浦人七歲孤貧家無一椽僦鄰之倉側以居母莫氏目瞽廷松  
行乞以養稍長爲人牧牛每日必裹飯以奉母母死無以殮遂典身備  
棺祭奠頗如禮年七十餘每念及父母必涕淚並墮鄉人咸重之

廣西通志

邱濬字仲深瓊山人少孤七八歲能詩敏捷驚人

列朝小傳

張寧七歲題畫龍有云莫點金睛恐飛去

皇明世說

何昞字天宿號鷗溪先生生有異質七歲能文選克學宮弟子員隱隱負  
公輔之望閉門讀書不求聞達寄情詩畫工漢隸書已題詩其上時論  
後爲三絕是以鷗溪之名布海內

陳堯陽溪墓表

劉亮字彥明早有識量七八歲如老成人弱冠爲縣諸生

西涯集

尹旻字同仁爲歷城宦族七歲知讀書稍長下筆數百言冠鄉薦戊辰進  
士累至吏部尚書

西涯集

袁袞字永之七歲能爲詩歌讀書中秘博習國朝典故

撫州府志



張韞字元素泰興人七歲從父城宦京師溫清備至及長歸娶至楊州夢父病驚悸不食亟返舟北上則父卒於官矣痛哭幾絕扶視遇盜見其哀毀不忍犯而去妻何氏能佐韞孝年百歲家有百歲堂海內士多壽之大學士李春芳爲之序

楊州府志

朱陽仲遂寧人七歲能屬文刻意騷雅嘉靖甲午以解試卒武林

例酬

梅凌雲字尚志少敏而樸造次不能言甫七歲補邑弟子員當道稱偉器

比長肄業白鹿洞寒暑不輟嘉靖間進士太平府同知以事忤行部罷

歸以圖書自娛卒年五十九遺稿藏于家

湖口縣志

馮履祥字君德生七八歲卽豁悟好讀書後嘉靖丙戌倭賊犯縣履祥隨

父出奔賊逼斷父左手履祥以身蔽之曰吾父也願勿加害寧殺我賊

竟刃之死其妻袁氏遁于靈山時孕已彌月迨十七日夜夢一紅面神

告曰汝夫爲父死不可無後吾當與汝爲子次日婦果生一子又值倭

寇將入賊馬皆止策之亦不前一方稍輯人謂靈山驃騎大將軍神威

之疵與得兒夢符蓋履祥孝感所致云

萬姓統譜

王挺字子長象山人賦性明敏七歲解文義博覽羣書過目成誦爲文閎肆豪邁下筆滾滾不窮頃刻可就士顓宗之嘉靖戊辰魁禮闈廷對萬餘言辭多剴切姚涑訓互魁天下讀卷之官意見不同遂殿之耳解志  
徐應聘孝友性成七歲時見父以歲暮爲憂輒流涕廢食與弟幼同寢處弟病以身掖之既中進士在京邸聞弟計慟嘔血以母切念外家每曲體其意迎姨舅諸母共母談笑以爲常蕪州府志

張居正字叔大江陵人七歲能屬文里中稱神童荊州府志

李開先字伯華七歲能文博聞強記後官太常少卿列朝小傳

蔡坤字一寧七歲爲詩竦聽長老嘗有盜持刃入其室坤凝然無怖容盜

異之不敢過舉進士擢給事論萬安李孜省宜聲振一時蕪州府志

徐文沔字可繩號澗濱弘治異七歲能文弱冠領萬歷甲午鄉薦久之不

第請之於開陽公虛心請問文遂豁開流宕成名進士衛州府志

金孚兌字古所七齡知屬文舉萬歷辛卯鄉試授廣東西江知縣五載清

廉爲粵東第一浙江通志



金志堅字貞吾七歲事母盡孝道每食必具甘旨親上食食飽乃退晨昏造榻問安否或自外歸或漏下數十刻必伺于寢門之外祭日終夕慘然偉貌修髯動必以禮以莊嚴見憚於人

楊州府志

李夢陽弟璉生而口高顴骨隆隆起髮際名爲伏犀七八歲時猶啖乳有

氣力矯健善戲善打毬綴幡騎竹馬群兒莫過也

崆峒集

張少保名敷華字公實安福人少有奇氣七歲里中有竹樹爲怪郎指揮

群小兒盡斬去歷官刑部尚書公丰采凝重義利介然謚簡肅

編年考

趙重華父述瑞棄諸生業爲方外之遊匿無錫山中時華方七歲後十五

年母沒妹嫁遂出覓父不得禱於三茅峰夢神語至無錫覓父鹿門毛

憲副爲作趙氏客遊述

雲南通志

林有望字末軒嘉靖進士性穎悟七歲能詩文

廬州府志

張適字子宣母賤其嫡妬之名曰狗子幼穎異七歲能賦詩又云七歲習

詩經過目成誦

列朝小傳

王文正桐城人七歲得道書依科試之忽天將至問見召何事文正倉皇

指庭樹曰爲移值門外頃刻樹移自是能役鬼神呼風雨有奇驗按慶志

羅以明字善蒙自號蒙叟七歲善聲對

列朝小傳

徐霖字子仁七歲能詩

列朝小傳

楊一清字應靈雲南安寧州人七歲能屬文聰敏絕世讀書過目成誦人欲試其心記戲取帀家日歷鱗雜米塩之數令目一過輒無遺脫故六經百氏無所不窺官制兵衛本朝故事歷歷詳曉

編年考

胡居仁字叔心餘干人幼穎異七歲學於家塾言動如老成人旣而學於

康齋慨然以古人自期行道自任其學以至敬爲要因名敬齋處家庭

如廟堂對妻孥如賓客端莊凝重履繩蹈矩造次顛沛未嘗少違每日

必立課程詳書得失自考終日竟夕孜孜不倦排異端振流俗高風偉

節儀表江南所著有居業錄敬齋集門生吏部侍郎余祐作傳記萬歷

中追謚文敬從祀孔子廟庭

編年考

皇甫汈字子循中第三子也七歲能詩父課之輒得奇句

列朝小傳

姜應鱗字泰符別號松壘慈谿人少參國華之子天姿穎悟七歲能文章



嘗作汲黯論謂黯忠而不學直而少褊少叅公曰知汝他日能不懟也  
萬歷癸未進士授戶垣力爭太子神宗震怒禍幾不測怒稍霽遂奉立  
儲自有長幼之旨出尉廣昌光宗卽位召爲少卿熹宗初瑞禍漸興卽  
投劾歸林下鍵戶讀書寒暑不輟生平交好鄒元標顧憲臣史孟麟楊  
連魏大中千里同堂非其人雖比閭不相見也類書纂要

鍾伯敬斷香銘曰大叅尹子求先生爲余言其壻劉卽七歲能詩劉卽者  
給諫勿所公仲子劉晉卿者也隱秀軒集

陸師道字子傳常州人生而穎儁七歲能裁小語詩稍長通易善春秋補  
博士弟子更通諸子百家手抄典籍積數千卷工古文詩詞篆隸傍曉  
繪事簡澹逼倪元鎮以師禮事同郡文徵明瞻其品行時重美之編年

何大復景明送楊中舍承家云七歲辭家朝帝京登臺踐斗榮身名水木  
更起邱園情請帝遣中書行中書此行天子重赤車駟馬都人送岳  
樓畫錦湖光開京口春帆江色動今日看君萬里歸山川草木倍光輝  
公卿禮數古來少父子聲名天下稀雲南通志

盧鶴鳴字仲鶴縉雲人五歲能記誦七歲父病立床下達旦不寐日出則  
拜願減身年以益父壽父不藥哀毀骨立一如成人聞者異之事繼母  
曲盡子道事伯兄克讓遺金弱冠受餼屢困場屋京兆程公正誼言文  
章通秦漢以上孝友居曾閔之間

處州府志

陸某吳都人其子延枝自云先君幼善屬對七歲錢漕湖先生秋日過家  
指庭中樹曰秋聲在樹鳴金鉄先君郎對云山色當窗罨畫圖謝樂全  
亦在坐見其目秀言聰明露在眼上郎應云錦繡羅于笥中

編年考

張煒字嘉玉事母至孝方七歲母病目自外持藥歸人皆驚異

撫州府志

楊正位施秉人生甫七歲父再翔慕神仙雲遊十餘歲正位朝夕哀慕誓  
欲尋訪游泮後遂乞假文宗歷西南十年果於泗洲城之觀音洞迎回  
後正位子通宇至御史孫楠官都督人以爲孝感云

貴州通志

林章字初文福清人七歲能詩塾師試題羣羊應聲而就曾從北海風霜  
裡伴過蘓卿十九年又題韓文公像云獨立藍關雪回看秦嶺雲非關  
馬不進歩戀明君塾師嘆曰此子他日必忠而苦節者也

列朝小傳



吳道行字見可善化人方七歲聞長者譚先賢謁學事卽肅然傾聽指示

忠義輒色喜

長沙府志

劉黃裳字玄子七歲能操觚摹右軍書

列朝小傳

邢侗字子愿臨邑人七歲能作擘窠書

列朝小傳

張澤字大被幼穎異年七歲授論語至事親竭力事君致身喟然嘆曰忠

孝當如是以選貢計偕授沅江令招民開墾攝武陵計平洞寇再補

山邨茶稅以蘓商困值大饑爲粥存活者多擢衢州別駕出通賦者于

圉園民感泣爭輸

安慶府志

張于壘字凱甫龍溪人張爕子也年七歲賦詩有明月小池平之句

和叔待年七歲其伯氏問曰日出雨落公婆和角是何語叔曰陰陽不和

顧元慶簪勝偶錄

朱佳梁字夢奇幼而頎偉好學博記日誦數千言六經子史皆通七歲解

音律長善射擊劍工詩古文詞書法得米蘓神髓精通理學世稱醒菴

先生

類書纂要

夏禮年七歲能書斗大字人稱爲小書吏沈周作長歌以贈之

蘇州府志

杜雲上虞人七歲念父遠遊不歸旦夕思慕及總角從婚甫彌月求母模

父貌徒步尋至雲南金齒驛奉侍其父未幾父卒扶襯以歸渡郡陽風

浪大作舟將覆雲跪禱哀泣浪頓息乃克歸塋事母徐窮約務得歡心

母沒廬墓三年稱爲真孝子

紹興府志

蔡懋德字維立七歲讀大學卽志爲賢聖諸壽祿一見異之曰此聖賢中

人豈僅富貴哉甲申殉難謚忠襄

蘇州府志

嚴武順字詡公太常卿大紀仲子生而穎異七歲爲咏蠡詩輒驚人一時

有江夏黃童之目

餘杭縣志

王嘉璿字穉鳴桐城人七歲通六經

安慶府志

郭丹字少卿鄧人七歲而孤小心孝順後母哀憐之爲鬻衣裝買產業後

從師長安慨然嘆曰不乘使者車終不出關尋拜諫議後顯宗問丹家

安在劉匡對曰丹出典州郡入爲三公而家無遺產子孫困乏乃詔下

南陽求其長子字拜爲常山太守

漢史



程曾年七歲喪母哀號哭泣不異成人祖母憐之嚼肉食之覺有味便吐

去師覺授孝子傳

馬嚴字威卿授兄余子也余卒時年方七歲依姊婿父王述明年母復終

會述失郡居滬後漢

王修字叔治營陵人七歲母以社日必來歲社修哭之哀憐人皆罷社魏

劉殷字長盛勝州人也七歲喪父服喪三年未嘗見齒曾祖母王於冬月

思芹菜方九歲走澤中痛哭忽生芹遍地矣夜夢人謂曰西籬下掘之

有栗得銘曰七年栗百石以賜孝子累辟皆以祖母老不赴子七人五

子受五經一受史記一受漢書晉書

許遜年七歲無父躬耕負薪以養母盡孝敬之道與寡嫂共田桑推讓好

者自取其荒不營榮利母嘗譴之如此當乞食無處君咲應曰但願老

母壽耳編年考

謝尚字仁祖豫章太守鯤之子七歲喪兄哀慟過禮親戚異之類書纂要

吳隱之字處默七歲喪父哀毀過禮其居與韓康伯鄰康伯母聞其哭聲

輟食投箸謂康伯曰汝若居銓衡必舉此子後康伯爲吏部如母教薦

隱之爲廣州刺史

晉志

鄧攸字伯道七歲喪父母及祖父母持重九年

晉陽秋

江總七歲而孤依於外氏聰敏爲舅吳平光侯蕭勵鍾愛曰爾神采英拔

後知名當出吾右

南史

張景胤七歲喪母母遺物悉施散惟留一畫扇每歲思輒開匣流涕父邵

爲吳興太守暴疾報至天寒水涸徒跣上岸左右提屣執隨之都夜晝

三日半至郡入郭奉諱氣絕吐血久乃蘇

宗昭孝子傳

歐陽通詢于七歲而孤母徐氏教以父書及長求父遺跡刻意臨倣書亞

於詢父子齊名號大小歐陽

姓氏新箋

殷憚生而謹愿七歲喪父哀號毀瘁不爲戲弄勤身苦體以奉供養得瓜

菓可啖之物懷持進母未嘗先食

孝子傳

鮮于文宗七歲喪父父以種芋時必明年此時附芋鳴咽如此終身

軼考

權德輿字載之七歲居父喪以孝聞吊哭者見顏色聲音謂權氏世有其



人 權國公墓碑

石洪字濤川七歲母喪九歲父喪及長行修學進聲號聞四海官集賢院

校理

韓昌黎集

楊叔字藏之七歲而孤處喪如成人母長孫親授經

宋祁唐書

趙曦字可畏上交于七歲喪母過哀十二能屬文蔭補千牛脩身歷秘書

省著作郎有集十卷嘗取於內

弘簡錄

丁公著字平子吳人三歲喪母甫七歲見鄰媼抱子哀感不肯食請於父  
緒願絕粒學老子道父聽之稍長父勉勅學舉明經高第累官至太常

卿卒年六十四

唐書

馬知節字子元父全義卒太祖深念之知節方七歲召見特授供佛官命  
編密進三名寫知節字賜之少感慨自立未弱冠監彭州兵有老成風

景德中拜樞密副使

略中集

張士遜七歲喪母養於其姑字順之

隆平集

周奇七歲廬墓孝感產芝一莖七葉大觀三年旌表

處州府志

楊文仲字時發七歲而孤母胡氏守節自誓教養諸子初以郡試第一人太學升上舍爲西廊學錄登寶祐進士

宋書

趙槩字叔平七歲而孤篤學自力

東坡集

徐膺字思文莆田人七歲喪父朝夕思慕若成人母沒哀毀骨立卜兆於虎嘯岩廬其傍蔬食三年時陟岩巔哀號聲震原野虎爲遁去墳左有坑塹溪數十丈一夕山有聲如雷異旦視之平地也

萬姓統譜

周孝聞龍泉人七歲居母喪廬墓政和十年以孝行薦命以官不受邑人

卽其所居立門曰孝子以旌之

處州府志

姚原字子東長洲人七歲而孤日能讀書常應舉棄去曰窮達有命名不

我遂自是絕意仕進號北窻居士著述甚多

蘇州府志

楊政字宣夫父忠戰死政甫七歲哀號如成人其母奇之曰孝于親者必

忠於君此兒其大興吾門乎後移孝顯忠官至太尉

宋志

高停肱麗水人七歲喪父廬墓盡孝至和中郡上其事遂表其門後名其

子曰孝臣

處州府志



金子安字幼仁上海人七歲失怙事母凌氏得歡心母嘗邁疾子安稽顙北辰求以身代母危困中忽甦曰適神語我加爾壽三紀遂愈後果至

是年終

編年考

金葵字景陽父端臣紹興進士錄事參軍卒葵方七歲哀慕如成人事母孝謹登淳熙進士八元至同知樞密院事乞歸

萬姓統譜

楊富老七歲喪父廬墓三年不反烏雁來庭木生連理之異紹興初太守

於朝賜粟帛錄付國史

萬姓統譜

廖人俊寧都人元初父死於寇母亦被虜人俊七歲與祖母居既長誓求父母得於叢冢間又往北方求母聞在滄洲至則已死欲負骨歸塋異父弟不許遂刻像母而還合塋焉吳徵有文記其實

寧都耆舊傳

侯庸字景中生七歲父坐累調閩南母告之故悲痛誓贖父罪洪武中舉

進士拜吏科給事中請納官代父辭甚哀切上憫之詔還其父庸至謫所迎歸尋陞吏部侍郎劾劉三吾等在職怠惰上納其言

萬姓統譜

金彥文休寧人三歲喪父七歲舅奪母志祖子高撫育成童家貧採薪負

米以資甘旨祖沒盡禮母寡居迎歸孝養母病禱願身代遂愈母卒廬墓虎過不害永樂間詔旌其門

萬姓統譜

史五常內黃人父葺洪武間任廣東按察司僉事卒時五常年七歲力不能扶柩歸家其母諭五常曰汝父殯時有大錢置柩中汝謹藏之五常事母至孝及母死乃入廣求父觀歲久迷失五常旦夕號泣願天見者流涕已而諸寮聞之命所司物色竟獲骸骨並大錢如母言歸葬祖塋去父沒時五十載矣廬墓三年詔旌其門

萬姓統譜

章良民七歲喪父九歲喪母連年悲啼人不堪其孤哀賴伯氏山氏以長以教永樂間貢太學擢刑科給事中

萬姓統譜

章衡民諱禮以字行七歲失怙家業漸替稍長竭力奉母雖窮欲務得其

歡萬姓統譜

楊忠愍繼盛字仲芳小興州人始生襁褓中郎有奇質父富恆謂人曰日者言吾門當驟大豈是子也耶七歲喪母爲繼母凌迫驅使牧牛牛日肥遂從牧所以間往里塾觀里中誦讀揖遜而心好之歸調兄請得受



里塾學兄曰汝幼何學公艱然曰夫幼者任牧牛乃不任學兄言於父  
奇而聽之學雖竟學然不廢牧也 編年考

黃驥字德良餘姚人副使肅之子七歲喪母畫像事之感時悲痛見者惻  
然事繼母以孝聞父病徬徨嘗冀及沒造墳人力不資躬自負土丙舍  
成鵲巢其梁上有自然野獸爲之巡警一夕虎啣豕置于庭而去嘉靖  
朝旌表驥初學於陽明晚而語人曰陽明先生始所學亦未粹因從遊  
者衆互相剗切所以成就蓋教學相長有如是也 紹興府志

錢惟慶字汝明松江人七歲喪父哀毀執禮如成人事母孝事兄存善最  
恭部符賦民銅急遣使捕後期者勾攝甚嚴其兄與焉惟慶詣使者曰  
老母所藉終養惟吾兄不如期者實我之罪也我當行其兄詣使者曰  
我爲家長不如期罪當坐我弟又爲我母愛子不能離膝下我當行兄  
弟爭行皆泣使者見之亦感泣而驗籍竟以其兄行會宥免爲時人兩  
高其義後惟慶享年七十子溥博俱登進士 編年考

崔永宇彥齡七歲喪父母韓氏改適桑慎慎爲御史坐事謫海南携韓流



落鄉里既長往海南徒步求之行次瓊州得焉會慎歿力請歸母所司以配屬無放還例永慟哭之京師哀請於朝許之赴海南迎母歸遇風永入水負母母得活海南人皆稱崔孝子云

海南記異

徐綱應城人年七歲居父喪不如輩事母盡孝母喪廬墓六年挑土成邱植竹樹成林有大隨墓所鴉集林中綱日三號鴉犬亦爲之悲

楚紀

饒元瑄字彥昭進賢人性孝友七歲居父喪哀毀骨立儼然成人事母曲盡愛敬四十年如一日屢困場屋遂一心研精理學貫穿馳驟多有獨契

人物志

石抹元字希明七歲喪父旁無兄弟號泣不食者累日十三復居母喪如

成人長補樞密院譯史

金史

姜兼七歲而孤養母至孝母死哀慕幾絕既葬獨居墓下朝夕哭奠一衰麻寒暑不易同里有不善事父母者聞之皆慚悔退養

元史

杜偉字道升至性過人祖母目瞤以舌抵之而愈七歲喪母每哀啼父亦感泣偉乃破涕爲歡陰察枕席皆淚漬痕嘉靖壬子舉於鄉海內從遊



者數百人羅文恭公洪先延之教子學益進過鄱陽盜劫之端坐不懼

蕪州府志

盜異之發篋得其名刺曰此江南小聖人羅拜而去

浙江通志

毛瓚號肖環淳安人七歲喪母哀毀如成人  
王恁七歲喪父哀毀如成人長事父承順孝養母病九月不解帶侍母榻  
左二十餘年母壽百歲北卒哀毀骨立三年不葷酒有司請為鄉賓辭

不就巡按旌其門

江都縣志

王國祥以禦倭寇為飛矛所斃子芬當父死時甫七歲即撫戟長泣長有  
遠志入成均喜談兵授朝鮮都督

廬州通志



